

SEFO YA MUNNA

A ELEKANYAHO

 Ndi a ni livhuwa, Mukomana Mann. Ndo zwi vhona uri no disa mukomana. Murena a ni fhatutshedze. "Zwithu zweþhe zwi a konadzea, tendani fhedzi." Kha ri rabele.

Oo Mudzimu, ngoho ulwo ndi lwone lune lwa vha lutamo Iwa mbilu dzashu madekwana a ñamusi, u tou tenda fhedzi. Vhunga ro kuvhangana fhano madekwana a ñamusi thaberenakeñeni, duvha li tshi khou kovhela vhukovhela, ri a rabela, Mudzimu a funwaho, uri U do ri tendela u limuha uri zwi tsini hani zwauri duvha na lone li khou kovhela kha tshifhinga; tshi khou fheña. Duvha lo no tuwesa. Huno ri elelwa nga tshiñwe tshifhinga musi duvha lo vha lo no tuwesa, vhatshimbili vhavhili vho U ramba uri u dzhene huno u dzule navho. Huno zwenezwo Wo Didivhadza khavho nga u talutshedza Ipfi Lau na u vha tendela u vhona izwo zwine Kristo a fanela u tambula, izwi zwithu zweþhe u thoma.

² Ngauralo ri a rabela, Mudzimu, vhunga duvha lo no tuwesa, uri U do da ngomu nduni dzashu huno wa tshila na riñe, huno wa ri talutshedza Ipfi, Murena, line ra li fara nga ndila ya tshilidzi nga maanda vhunga lupfumo lu bvaho kha Iwe, vhunga tshifhiwa mbiluni dzashu. Ngavhe ri sa Li pfuki na kathihi; ngavhe tshifhinga tshoþhe ri tshi Li hulisa nga mbilu dzashu dzoþhe.

³ Ri a U livhuwa kha zwe Wa itela avho vha re ngei sibadela matsheloni a ñamusi, na zwe Wa itela mutukana mutuku wa Mukomana Capps we a vha o edela, a tshi khou toðou fa, huno zwino ngoyu kha vhathetshelesi madekwana a ñamusi. Nga ndila ine ra U livhuwa, Khotsi, kha hezwi zwithu zweþhe!

⁴ Zwi tendele, Murena, uri ri ðivhe ndila ya uri ri tea u U nea hani thendo. Ri tou... Zwi fhira pfeseso yashu u ðivha ndila ya u U nea thendo. Fhedzi, Murena, tanganedza mbilu dzashu vhunga zwiga zwa ndivhuwo, zwauri ri a U funa. Huno musi ri—ri tshi toða u ita zwo lugaho, ri sumbedze zwine ra tea u ita. Ri humbelä Dzinani la Yesu. Amene.

Ni nga dzula.

⁵ Ndi madekwana avhuði kha iyi kereke khulwane yo dalaho madekwana a ñamusi na nnða kha shango loþhe kha ðingo. Vha ri vha na vhuþumani hafhu madekwana a ñamusi.

Ndi a fhulufhela mufumakadzi wanga u khou thetshelesa ngomu. A tho ngo swika he nda mu founela, ngauralo nñe ndi khou yo mu founela nga murahu ha iyi tshumelo.

⁶ Huno ri na kuñwalo hafha kwe matsheloni a ñamusi mura-wa Mukomana Jackson...kana khotsi vhe kha nyimele yo raloho, uri vhukhwine ho raloho ho itea, a nga swika hune a ña hayani matshelo.

⁷ Mutukana muñuku wa Mukomana Capps, we a mmbidza nga vhuiñe vhusiku, a thi ñivhi uri kana Mukomana Capps u kha vhathetshelesi kana hai, fhedzi, huno mutukana muñuku wawe o vha a tshi khou lwala nga maanda.

Huno zwe sokou itea Joseph na ññe ra vha ri ngei fhasi lu—luvhanden iwa u thuntshela hone, ndi tshi khou lugisa tshigidi tshanga tshiñuku tsha fumbilimbili. Ndo ni vhudza zweþe nga hatsho vhege yo fhiraho. Huno ene zwa vhukuma u khou yo vha muthuntshi wa vhukuma. Huno ngauralo o ñoda u vha na ngoho huno a vhudza Gary na Larry zwe a ita. Huno o mmbudza, a tshi vhuya...Nda ri, “Inwi ni tea u ima na dzhena huno—huno na vhudza Mukomana Gene Norman nga hazwo.”

A ri, “Imani huno ni vhudze Billy u thoma,” mukomana wawe.

Nga murahu ha musi o no mu sumbedza uri o thuntsha zwavhuði hani, a ri, “Zwino ñutshelani kule ha milenzhe yanga.” Ni a vhona?

⁸ Huno ri tshi tou swika henengei, mulandu, lutingo iwa lila, huno Billy a gidimela nga ngomu u yo vhudzisa...Nda ri, “I nga ñi vha founu ya vhulwadze zwino.” Huno ro tou dzhena, huno ho vha hu Mukomana Capps. Huno mutukana muñuku o vha e na u zwimba thumbu, huno u tou vha na murunzi muñuku wa tshikhala tsha u tshila. Huno Murena o mu fhodza. Huno vhuiñe vhusiku o amba zwauri u khou tambula nga lunwe lushaka lwa maþungu, Vho-Mme Woods vho vha vha tshi khou mmbudza. Huno ro vha ri tshi khou tuwa nga u þavhanya, huno nda tou...Nda ri, “Vho-Mme Woods, tshifhinga tsho no þuwesa zwino, awara ya fumi ñha ha tshithoma, ndi a vha timatimela kha u ntendela u dzhena henengei nnða sibadela.” Nda ri, “Ññe ndi khou gonya hayani huno nda vala vothi fhedzi.” Huno nda gonya huno nda rabela. Huno vha ri mutukana muñuku u kha vhathetshelesi madekwana a ñamusi. Ngauralo ri a livhuwa nga maanda hezwo. Huno ri vha livhuwaho.

⁹ Zwino ro farelela; a ri athu pfa. Arali Mukomana Leo Mercier na Khaladzi Mercier vha tshi khou thetshelesa ngomu, a ri athu u pfa zwi bvaho ha khotsi anú. Ri fhulufhela u pfa nga tshifhinganyana tshiñuku, uri vha khou vuwa hani. Fhedzi ññe kaþukuñuku ndi na ngoho ya uri vha ño luga, ngauralo ri fulufhela Mudzimu Ramaandoþe kha izwo, uri Mudzimu u ño londa uyo munna a funwaho, wa kale o khethetfhadzwaho, mushumeli wa kale a re mudziatshenzhemo wa Mafhungo-mañdifa.

¹⁰ Zwino, oo, hu na zwithu zwinzhi zwi no tea u itwa, na tshifhinga tshituku nga maanda tsha u zwi ita, ngauralo itonu vhea vhudidini hashu hothe zwino kha zwine ri nga itela Murena washu.

¹¹ Ndi da ngeno nga u t̄avhanya zwītuku. Huno ndo—ndo vha ndi sa khou di pfa zwavhūdi nga maandesa. Nda neta, u tou neta zwa vhukuma, huno nda edela fhasī masiari ano. Na kathihi... A thi athu na u la tshisw̄itulo. Ngauralo nda—nda dzhena, nda edela fhasī masiari othe. Nda pfa ndi sa diphini, ngauralo nda edela heneffho. Huno zwenezwo nda ya u rabela, huno nda pfa ndi khwine. Huno nda vuwa, nda ambara zwīambaro zwanga, huno nda da tshivhidzoni.

¹² Ngauralo ri—ri fulufhela Murena Yesu zwino uri U do fhaṭutshedza vhudidini hashu ho tangana madekwana a ḥamusi, vhunga kha lushaka twothe ri tshi khou lingedza u vha murado wa itsi tshipīda tsha Muvhili wa Kristo, uri ndo newa pfanelo ya u kanzwa nngu Dzawe. Huno ndi do ita fhedzi zwa khwine nga maandesa zwa ndivho yanga, nga u nea Zwiliwa zwe lugaho zwine nda zwi divha zwa nngu.

Huno nne ndi lindela ndi na u vhilaelela awara ine rothe ri nga kona u kuvhangana fhethu huthihi huno ra rera nga ha ayo Mabulayo a Sumbe, na Madzhomela a Sumbe, na Dziporompīta, na zwīnwe-vho. Zwothe zwi bvelela zwi tshigwada. Itsho ndi tshone tshi itisaho uri zwi ri dzhie vhege, mađuvha a fumi kana o engedzeaho, u zwi fhedza nga muṭangano muthihi fhedzi, arali ri tshi kona. Ndi elekanya uri zwe edana nga maanda.

¹³ Zwino, vhunzhi hanu ni khou endela kule. Ndi sedza nn̄da hafha, huno ndi kha di bva u dzhiela nzhele, tshifhinganyana tsho fhiraho, vhatu Tucson. Vho-Mme Sothmann, ndi vhona Mukomana Fred o swika zwavhūdi. Ndo mu vhona kha vhathetshelesi matsheloni a ḥamusi. Huno heneffho ndi elekanya uri uyo ndi Mukomana Don Ruddell o dzulaho heneffho tsini nae heneffho murahu, madekwana a ḥamusi. Ndi takalela u vhona Mukomana Don e ngomu. Huno Junior, Junior u hone fhano, kana u tshivhidzoni tshawe? Ndi humbulela uri vha kha t̄hingo ngei tshivhidzoni madekwana a ḥamusi.

Ngauralo, vhoinwi vharathu nothe, ro takala nga maanda uri ni fhano na riñe madekwana a ḥamusi, huno ri tshi fulufhela Murena uri liiwe duvha riñe, musi duvha la vhatshilo lo no fhela na tshedza tshituku tshashu tsha vhatshilo vhu faho tshi tshi thoma u sa tsha vphonadzesu nahone tshi tshi khou bva, a ri nga ofhi vhuvhī, ngauri fhasī nga kha hone—hone...

¹⁴ Ndi kha di bva u wana muvhigo u no da kha inwi, n̄tha ngei—n̄tha ngei... ngei Arizona, n̄tha ngei Prescott. Mukomana Coggins o tshatshiwa sibadela. Ngauralo riñe ri vha livhuwaho nga maanda hezwo. Zwavhūdi. Izwo ndi zwivhuuya. Ngauralo

ri vha livhuwaho nga maanda hezwo. Khaladzi Mercier, baba vhaṇu vha khou luga zwino. Ndo tou pfa, nga murahu ha musi ro no rabela, uri vha do luga. Ngauralo vha nga di vha vha tshi khou thetshelesa zwa ngomu; ndi fhulufhela uri vha a ralo; nahone ndi elekanya uri vha a ralo. Ngauralo ri vha livhuwaho nga maanda hezwo, zwauri mukomana washu o—o luga zwino, nahone u khou yo luga. Ngauralo ri livhuwa Murena nga nthani ha izwi zwithu zweṭhe.

¹⁵ Ho vha na khumbelo madekwe; mukomana a funwaho fhano, ndi a humbulela a nga di vha a si na riṇe ḡamusi. Mukomana a bvaho fhasi ngei Kentucky, o mmbidza malugana na ḡwananyana wawe. Muṭa u takadzaho, huno mu—musidzana u khou yo itwa muaro, mme muswa a re na pfuko muṭanani. Ngauralo ri—ri rabela uri Mudzimu u do phulusa uyu musadzi muswa. Ndi a tenda uri U do ralo, arali ri tshi do tou . . .

Tshividzo, riṇe roṭhe ro ṭangana, ri khou vha murađo huno ra rabelela avha vhatħu, roṭhe ro ṭangana. Izwo ndi zwine ra fanelia u ita, sa yuniti. Vhunga . . .

¹⁶ Huno musi mađuvha a tshi alutshela tsini na tsini, na u sekena ha ndila, ri—ri ḡođa u ya tsini roṭhe. Nqenqen, ri fanelia u vha muthihi fhedzi, muvhili muthihi. Ri fanelia u tshimbila rothe, ri tshi hangwa zwivhi nga tshashu na phambano dzashu, huno ri tshi tou farana tsini na tsini, vhunga ri tshi vhona iļo Duvha li tshi sendela. Ri tshi kuvhangana fhethu huthihi, roṭhe ri kha lithihi na mbilu nthihi. Huno arali mukomana, khaladzi a tshi bva ndilani, nga iñwe ndila, ra sa ite tshithu fhedzi ra rabelela uyo muthu, nahone nga lufuno, tshifhinga tshoṭhe ri tshi humbulelana. Ni songo—ni songo litsha muñwe waṇu a tshi ṭuwa. Dzulani noṭhe. Huno, arali ni tshi kona, engedzani vha engedzeaho khatsho, ni sa fhidzi, tshifhinga tshoṭhe.

¹⁷ Murathu Neville, ndo wana khumbelo yaṇu fhano i re malugana na Mukomana Wright, Mukomana George Wright o dzulaho hafha. Ri a takala Mukomana Wright na Khaladzi Wright, fhano . . . Edith muṭuku, ndi . . . Liñwe ḡuvha musi ri tshi da, ri ḡodou vha na tshumelo ya tshihumbudzo ḡħukku fhano.

A tho ngo vhuyelela murahu u itela Edith na musi a tshi ṭuwa. Fhedzi, Khaladzi Wright, ni a elelwah muloro we a vha nawo miñwaha i si gathi yo fhiraho. Huno ndo ni vhudza tshifhingani itsho, nda ri, “Ndi zwone, Edith muṭuku a nga si dzule na riṇe tshifhinga tshilapfu zwino,” ngauri Murena o no di amba zwauri u khou ṭuwa, nga uyo muloro we a vha e nawo. Huno ndo wana thalutshedzo yawo, ye ya, vha uri u khou ya u ṭangana na Mudzimu. Nga murahu ha musi miñwaha mivhili i tshi ḡođou fhela, a ya u ṭangana na Mudzimu. Zwino o lindela khotsi na mma uri vha pfuke mutalo u khethekanyaho, vhukati ha u fa na u sa fa.

¹⁸ Mudzimu a ni fhatutshedze. Ndi ṭodou lingedza u ni vhona nga u ṭavhanya, arali ndi tshi nga tou kona. Ngauralo Mudzimu a vhe na inwi na Shelby, na muñwe na muñwe. Ndo elekanya uri ndo vhona Shelby matsheloni a ḥamusi; ndo vha ndi si na ngoho.

Ni nga si kone u vhona zwavhudisa ngeno n̄tha; silini i fhasi ngaurali, nahone i posa tshe-ṭshedza nga u ralo. Ni kona u vhona zwithomathoma, fhedzi a ni koni u vhona vhathu zwavhuđisa.

¹⁹ Zwino heneffho tswititi kha Mulaedza. Uyu ndi Mulaedza une nda ṭodou vhala kha Numeri 19:9 na Vhaefesa 5:26. Huno arali vhoiñwi vhathu vhane na vhulunga dzirekhodo dza liñwalwa, na zwiñwe-vho, mulandu, ni nga di zwi ñwala fhasi.

²⁰ Huno zwino elelwani, arali izwi zwi tshi khou theiphiwa... A thi ðivhi. A thi koni u vhona muñwe-vho. Ee, ndi a ralo, ndi a ralo u vhona Mukomana Terry nga hangei kha-kha lufhera lwa u rekhdela hone. Huno arali izwi zwi tshi khou theiphiwa; kha vhañwe vhashumeli-vho huñwe fhethu-vho, nga tshiñwe tshifhinga-vho, izwi a zwo ngo livhiswa kha pfunzo dzañu, izwi na hone a zwo ngo livhiswa kha nngu dzañu. Uyu Mulaedza, na miñwe Milaedza yoþhe ine nda amba nga hayo, yo livhiswa kha tshivhidzo tshanga. A si ya tshivhidzo tshanu nnđani ha musi vha tshi ṭoda u U ðanganedza. Fhedzi Wo livhiswa kha avha vhathu fhano.

²¹ Vhathu vha renga idzi theiphi. Vhathu kha shango loþhe vha a dzi renga huno vha dzi lidza. Zwifhinga zwinzhi vha a ñwalela ngeno. Huno tshifhinga tshoþhe ndi a vha vhudza, arali vhe muraðo wa tshinwe tshivhidzo, "Vhonani mufunzi wañu."

²² Zwino, mufunzi, ndi ṭoda inwi ni tshi zwi ðivha uri, izwo, izwi ndi zwa u ya kha tshivhidzo tshanga fhedzi ndi tshi amba izwi zwithu. Huno ndi na pfanelo ya u ita hezwo, ngauri ndo vhewa nga Muya Mukhethwa u linda idzi nngu. Huno khombo kha nñe arali ndi sa vha vhudzi zwine nda elekanya uri ndi Ngoho, na ndila ine nda elekanya uri I a ða. Fhedzi A si ya shango kana zwiñwe zwigvidzo zweþhe. Inwi ni ite tshiñwe na tshiñwe tshine Mudzimu a ni vhudza uri ni tshi ite. Ndi nga si kone u ni fhindulela, na inwi ni nga si kone u mphindulela. Fhedzi muñwe na muñwe washu u fanela u fhindula phanda ha Mudzimu, u itela mushumo washu. Ngauralo-ha, arali ndi tshi tea u fhindulela mushumo wanga, ndi fanela u I rera nga ndila ine nda I vhona, nga ndila ine Ya dzumbululwa kha nñe. Ngauralo i ri ni izwo zwi ðivhee zwino.

²³ Zwino kha Numeri 19:9, ri ṭodou vhala ili liñwalwa, kana ulu Luñwalo, kha ndi ralo.

*Huno munna o kunaho u ðo kumba milora ya ðholana,
huno u ðo i shela nnđa ha mushasha fhethu ho kunaho,*

huno i do vhulungelwa tshivhidzo... (sedzani zwino) u itela tshivhidzo tsha vhana vha Israele u itela mađi a phandekanyo: ndi u ťamba tshivhi.

²⁴ Dzhielani nzhele, hu si kha muňwe na muňwe, "kha tshivhidzo tsha vhana vha Israele; mađi a phandekanyo."

Zwino kha Vhaefesa, ndima ya vhu5, huno ri tshi thoma naga ndimana ya vhu22.

Vhafumakadzi, ipfani vhanna vhaňu, sa vhane vha ralo kha Murena.

Ngauri munna ndi thoho ya mufumakadzi, vhunga na Kristo e thoho ya tshivhidzo: huno ndi ene mutshidzi wa muvhili.

Ngauralo-ha vhunga tshivhidzo tshi kha u langiwa nga Kristo, ngauralo na vhafumakadzi kha vha ralo kha vhanna vhavho kha tshinwe na tshinwe.

Vhanna, funani vhasadzi vhaňu, vhunga Kristo na ene o funa tshivhidzo, huno a ñikumedzela tshone;

Zwino ngezwi zwine nda ţodou zwi amba zwino.

Uri a kone u tshi khethefhadza na u tshi kunakisa nga u ţanzwa nga one mađi nga ipfi,

²⁵ Zwino, ili liňwalwa lituku madekwana a ñamusi, arali ndi tshi do tea u li vhidza liňwalwa. Huno ndi a fulufhela uri vhathu fhano, na nnđa kha vhuťumani ha luťingo, a vha nga nyadzi izwi nahone vha elekanya uri zwi khou ambiwa nga ndila ya u ţambuludza. Naho, u dzhia liňwalwa li no nga ili, zwi tshi do pfala zwi u ţambuludza. Thoho ine nne nda khou i shumisa ya nga madekwana a ñamusi ndi: *Sefo Ya Munna A Elekanyaho*. Izwo zwi pfala zwo yesa sa thoho, kha mushumeli a no hanedza u daha, a tshi do dzhia liňwalwa la u ralo, *Sefo Ya Munna A Elekanyaho*. Zwo ña zwa khunyelela, hezwo, nga maňwe matsheloni musi ndo ya u zwima zwisindi.

²⁶ Arali vhoinwi vhathu nnđa kha—nnđa kha radio, maya, kana kha weivi ya luťingo, no vha no kona u vhona tsumbedzo kha tshifhaňuwo tsha itsi tshivhidzo musi ndi tshi ñivhadza liňwalwa ţanga, no vha ni tshi do vha no i sea. *Sefo Ya Munna A Elekanyaho*.

²⁷ Zwo luga, zwo bvelela zwothe ñtha he Vharuňwa vha Murena vha bvelela kha nne nga maňwe matsheloni, huno izwo zwisindi zwa vhonala zwi tshi tshila nge zwa tou ambiwa. Vhoinwi noþhe ni a elelwa musi zwo no itea. Huno, nahone, henehfala ñtha ha muvhundu he nda vha ndo ima, ho vha hu he...ndi sa athu rera Zwikhathi Zwa Sumbe Zwa Tshivhidzo, ndi tshi khou ya u zwima nga maňwe matsheloni hu sa athu vha na tshedzari. Henehfho ha ima...Nda elekanya uri ñuvha lo vha li tshi khou ţavha, i tshi ţodou rwa awara ya vhuňa ñtha ha tshithoma nga matsheloni. Zwi si zwa misi; nda vhoná itsho

Tshedza, huno nda rembuluwa, huno heneffo ha vha ho ima Zwitomakhandela Zwa Sumbe Zwa Musuku two ima ngei nthā ha muvhundu, zwi na tshi no nga musengavhadzimu u tshi da nga kha dziphaiphi nahone u tshi bvela nn̄da.

²⁸ Khathihi fhedzi nga murahu ha hezwo, Murena Yesu a bvelela kha riñe. Huno nga tshifhinga tshenetsho nda pfa Ipfī le la ri, "Jehovah wa Testamente Ndala ndi Yesu wa Ntswa." Huno heneffo O vha e hone, nga murahu ha tshifhinganyana, a dzumbulula nga murahu ha izwo Zwitomakhandela Zwa Sumbe Zwa Musuku. Zwenezwo dzhielani nzhele hezwo. Naa ndi vhangana vha no elelwa ilō liñwalwa? Ndo li ñwala nga murahu ha—ha bogisi la—la gulu dze nda vha ndi nadzo tshikwamani tshanga. "Jehovah wa Testamente Ndala ndi Yesu wa Ntswa." Mudzimu ngei Tađulu u a zwi ñivha uri izwo two vha zwi ngoho.

²⁹ Musi ndi tshi pfuka afho fhethu he A vha o no bvelela kha nne ngavhuya zwituku, malugana na zwisindi.

³⁰ Zwenezwo musi ndi tshi vhidza khonani yanga yavhudī, Jack Moore, nga murahu ha miñwedzi i si gathi, u vhudzisa; musi ndo thoma u rera nga ha Zwikhathi Zwa Sumbe Zwa Tshivhidzo, Nzumbululo 1. Huno O vha o ima, o tshena hothe-hothe; mavhudzi Awe o vha a tshi nga wulu. Naa O vha a tshi nga vha hani, a tshi kha di vha na miñwaha ya furaruraru, huno a tshena hothe-hothe? Huno Mukomana Moore, nzhinga mmbuya nga maanda, yo funzeaho, ya Mukriste, na tshikola, muñwe wa vha khwinesa vhane nda vha ñivha; huno a ri, "Mukomana Branham, uyo o vha e Yesu nga murahu ha nyimele Yawe ya vhugala. Iyo ndi ndila ine A vhonala ngayo zwino." Fhedzi izwo a two ngo pfala kha nne. Huno nda dzulela u rabela u swika liñwe ñuvha . . .

³¹ Ndi sa athu thoma Zwikhathi Zwa Sumbe Zwa Tshivhidzo, ndo kundelwa u wana iyo ndima ya 1 i tshi ḥalutshedzwa ya pfala zwavhudī. Naa Munna, wa miñwaha ya furaruraru, o yuswaho nga wonoyo muvhili muthihi we vhaapostola vha Mu limuwa ngawo, vha Mu ñivha o ralo; huno naa O vha a tshi nga vha hani kule nthā, khamusi wa miñwaha ya fumalo kana fuṭahe, e na wulu khulwane tshena kha tshifhaṭuwo Tshawe, huno ndebvu Dzawe dzi tshena sa mahada?

³² Ndo no vhala nga hangei kha Bugu ya . . . ya Daniele, he a da kha "wa Kale wa Mađuvha, we mavhudzi Awe a vha o tshena sa wulu." Zwenezwo nda vhona uyo wa Kale wa Maduvha. O vha e uyo wa Kale wa Mađuvha, a sa shanduki mułovha, namusi, na lini na lini. Ni a vhona, tsho vha tshi tshiga, tshifhingani itsho.

Ndi ngani mavhudzi matshena? Huno zwenezwo nda . . . Muya Mukhethwa wo vhonala u tshi amba na nne nga ha tshifanyiso tshe nda tshi vhona nga tshinwe tshifhinga, tsha

muhatuli wa kale. Zwenezwo nda ya kha divhazwakale; nda humela murahu kha divhazwakale ya Bivhili na zweþe, u wanulusa. Huno vhahatuli vha kale, vhunga tshifhe muhulu kha la Israele, o do tea u vha na ayo mavhudzi matshena, matseþha a no nga wulu na ndebvu, ngauri vhutshena nga nthia hawe ho sumba uri o vha e wa maandalanga mahulwane a vhahatuli kha la Israele.

Huno na ñamusi, na u tsa fhasi kha miñwaha ya madana a si gathi yo fhiraho, khamusi lwa miñwaha i si gathi yo fhiraho, kana khamusi hu si u fana na hezwo, nga murahu ha hezwo. Vhahatuli vhoþe vha England, hu sa londwi uri vho vha vhe vhaswa hani kana vho vha vhe vha kale hani, musi vha tshi dzhena u itela khatulo, vho ambara wigi tshena; nahone u sumbedza uri a hu na mañwe maandalanga, kha uyo muvhuso, nga nthia ha ipfi lavho. Ipfi lavho ndi la u fhedza la muvhuso. Zwine vha amba, izwo ndi zweþe zwazwo.

³³ Huno zwino, zwenezwo, ndo zwi vhona hezwo. Heneffo O vha o ima heneffo, a tshi kha di vha Munna muswa, fhedzi wigi tshena yo ambariwa. O vha e Maandalanga o dalaho, mahulwane. O vha e Ipfi. Huno O vha e na, o ambara wigi tshena.

³⁴ Zwenezwo, ngavhuya musi ro no fhedza, nahone the—thero, huno ra bva ra ya vhukovhela, na musi Vharuñwa vha Murena vha tshi bvelela ngei nn̄da u itela Mapfundo a Sumbe, nahone vha ya nthia ngomu müyani (zwine ra vha na tshifanyiso tshazwo fhano, na u mona na shango), O vha e heneffo o ima heneffo, a tshi kha di vha o ambara wigi ya ayo maandalanga mahulwane. Ndi ene Thoho ya Tshivhidzo. Ndi ene Thoho ya Muvhili. A hu na tshithu tshi no nga Ene, huñwe fhethu-vho. “O ita zwithu zweþe nga Ene muñe. O ita zwithu zweþe u itela Ene muñe, huno hu si na Ene a hu na tshithu tshe tsha itwa.” “U na maandalanga oþe ngei Mañadulu na kha lifhasi,” huno tshiñwe na tshiñwe ndi Tshawe. “Huno kha Ene u khunyelela ha Vhumudzimu ho fhaþela muvhilini.” “Huno Ipfi o vha e Mudzimu, huno a itwa ñama vhukati hashu.” Huno O vha e Ene We a dzumbulula tshiphiri tshoþe tsha pułane yoþe ya tshidzo, ye vhaporofita vhoþe na vhanna vha vhutali vha amba nga hayo. Ene e eþe o vha Ene we a vha o ambara wigi na Maandalanga mahulwane.

³⁵ Zwino, nda ima, nthia ha muvhundu nga mañwe matsheloni, ha vhonala hū tshi nga ho vha hu na zwiñwe zwiþindi zwe zwa vha zwi tshi khou tumula ngei nthia. Huno nda thoma u dzula fhasi. Huno ndo vha ndi tshi kha di bva u vha heneffo lwa tshikhathinyana, musi, zwiþaka zwe zwa kwamiwa nga nñe, na muñwe muthu muhuluhulu we a vha e na tshigidi tsha lwobo mbili a tshi da a tshi khou tshimbila nga kha zwiþaka heneffo, huno a nga u bvisa u shushwa nga dzitshedzari kha nñe. Nda ya afho, nda thamatshela fhasi;

ndo vha ndi tshi ofha u sudzuluwa, ndi tshi ofha uri u do nthuntsha. Huno zwiṭaka zwi tshi khou sudzuluwa, ngauralo nda tou dzula nda dzika zwa vhukuma.

³⁶ Tthisindi tsha thoma u gonya muvhundu, huno a phupha lwobo dzoṭhe khae. Huno ngauralo a tshi humpa, huno ngauralo tthisindi tsha tsela fhasi seli ha muvhundu. Nda elekanya, “Zwino ndi do ḥuwa; iyo phosho yoṭhe i tshi khou humisa mubvumo. U na tshigidi tshawe tshi songo ṭaṭelwaho.”

Huno nda thoma u tsa muvhunduni, huno munna a thuntsha henefho nga phanda hanga. Zwa nthembulusela murahu nga *iyi* ndila. Huno nda thoma hangeno, u tsela fhasi nga inwe ndila, huno tshigidi tsha .22 tsha thoma, nahone gulu dzi tshi khou bvuma nga n̄tha hanga. Nda ri, “I ri ni, n̄ne ndi fhethu hu shushaho.”

³⁷ Ngauralo nda rembuluwa huno nda tsela fhasi nga mulambo. Huno nda elekanya, “Ndi do tsela fhasi hafha huno nda dzumbama u swika vha tshi fhedza, uri ndi kone u bva.” Huno badani ya u tsela fhasi, nda sokou kokodza... Tshenzhemo yanga ya kokodzwa uri ndi sedze nga hangeno thungo ya tsha u la tshanga. Huno, vhunga ndo ita, henefho ha vha hu na phakhethe i si na tshithu ya sigareṭe he muñwe wavho a vha o i posela fhasi, kha u gidima hoṭhe ha...musi zwisindi zwe vha zwi tshi khou fhira nga kha zwiṭaka.

³⁸ Huno nda doba iyi inwe paka ya sigareṭe, huno ya sedzwa...Na kathihi a tho ngo i doba; ndi humbela pfarelo. Nda sedza fhasi khayo. A tho ngo i doba, ngauri a thi takaleli munukho wa zwithu, tsha u tou thoma. Huno nda sedza henefho fhasi, huno yo vha i—i inwe khamphani ya fola ine nda humbulela uri a thi tei u vhidza dzina ḥayo, fhedzi ni do divha. Yo amba henefho khayo, “Sefo ya munna a elekanyaho na muthetshelo wa munna a dahaho.”

Nda sedza itscho tshithu, huno nda elekanya, “Sefo ya munna a elekanyaho?” Nda elekanya, “Arali munna a tshi nga kona u elekanya, o vha a si nga dahi na luthihi. Naa i nga vha hani ‘sefo ya munna a elekanyaho?’ Munna a elekanyaho o vha a si nga dahi na luthihi.” Zwe luga.

³⁹ Zwino, nda elekanya, “Nga ndila ine izwo zwa fhura!” Zwino, idzo khamphani dza fola dzi tea u vha dza Amerika. Huno oo, arali ri tshi tshila u ya nga pholisi yashu, ro vha ri tshi do vha ri tshi khou shuma uri ri thusane, arali ri tshi pfelana. Huno ndi u hoyo hani! Tsho itsaho uri ndi songo vhidza dzina la khamphani na kathihi, ndi tea u amba zwiñwe zwithu zwivhi nga havho. Huno nnyi na nnyi a nga vha wa u hoyo hani, uri a ite tshelede?

⁴⁰ Munna a elekanyaho a nga si dahe na luthihi. Fhedzi nga ndila ine vhathu vha Amerika vha zwi wela nga n̄tha; vha elekanya uri izwo zwi a mangadza!

⁴¹ Zwino sedzani, ni nga si kone, ni nga si kone... Vhudzisani nnyi na nnyi, vhorasaintsi, ni do... Inwi ni nga si vhe na vhutsi hu si na u vha na tshinyai. Arali hu na kupiða kuthihi kuþuku kwa vhutsi ku no fhira, ukwo ndi tshinyai. Huno arali ni sa wani vhuniwe vhutsi-vho, zwo ralo, a ni wani tshiñwe tshinyai-vho, nahone a ni wani tshiñwe tshithu-vho. Ni khou tou kokodza nga lubada lu re tshiomate. Fhedzi samusi ni tshi wana vhuñwe vhutsi-vho, ni khou kokodzela pfuko ngomu, nikotini.

⁴² Arali no vha ni na nne mahola, kana mbamahoða, ndi a tenda uri ho vha hu, kha World's Fair, musi Yul Brynner na vhañwe vhothe vho vha vhe ngei nthia kha dzitsumbedzo, huno ni vha vhona vha tshi dzhia iyo sigarete, vha i dzenisa kha tshiñwe tshithu, huno vha i kokodza nga kha tshipida tsha mabulu. Huno uyo dokotela a tshi dzhia dzudzu, a li monisa nga kha heneffo huno a wana nikotini ngalo, huno a li vhea nga murahu ha mbevha tshena, huno a i dzenisa kheidzhini. Huno maðuvha mañwe na mañwe a sumbe vha i bvisela nnða. Huno mbevha yo vha yo ðala pfuko nga maanda lwe ya kundelwa u tshimbila, nga nikotini i bvaho kha sigarete nthihi.

⁴³ Zwenezwo a ri, "Ni a divha, vha amba zwauri ni nga i wana nga kha sefo." A ri, "Inwi ni nga si vhe na sefo... Inwe sefo-vho ine ya do bvisa nikotini, i bvisa vhutsi," a ri, "ngauri ni tea u vha na vhutsi... u vha na tshinyai u ita vhutsi, huno ndi tshinyai tshi no nea pfuko."

⁴⁴ Huno zwenezwo a ya, a i kokodza nga kha maði, huno a ri, "Tshiñwe tshifhinga ni elekanya uri ni nga kona u i sefa." Ha pfi, "Tshifhinga tshiñwe na tshiñwe, iyo, hu sa londwi uri ni i kokodzafhi." Ha pfi, "Vha ri, 'A thi i femeli ngomu,' zwenezwo vha i vhea mulomoni wavho huno vha i pfa." Zwenezwo iyo a i dzhia huno a i pomba, huno a i vhea fhasi ha tshiñwe tshithu heneffo, huno a sumbedza uri yo vha i tshi kha di vha pfuko. Naa ni khou itani? Ni tshi khou i mila ya tsa heneffo fhasi nga mukulo wañu. Ni a vhona? Huno a hu londwi zwine na ita, i kha di vha lufu. Ni a vhona?

⁴⁵ Huno zwenezwo u elekanya uri khamphani i do fhura munna lwo edanaho, kana u lingedza u fhura vhathu vhayo. Zwi tou fana na lianga li tshi khou tshila nga lwalo, lushaka lwa lone line. U ita tshelede, u rengisa lufu kha sha—shango, na kha vhathannga. Huno vha bva heneffo nndwani huno vha vha fela, zwenezwo vha rembuluwa huno vha rengisa tshithu tsho raloho tshi no nga hetsho, nga u diitisa ha khole-khole, "Sefo ya munna a elekanyaho, fhedzi muthetshelo wa munna a dahaho." Ni do tea u vha na vhutsi u wana muthetshelo. "Muthetshelo wa munna a dahaho."

⁴⁶ Nga ndila ine vhathu vha u wela nthia, naho! Vha a u wana. Zwino, ndi zwa u ni fhura lwo engedzeaho fhedzi. Ni a vhona,

ndi wa diabolo. A vha londi vhutshilo hañu. A vha ni pfeli. Vha a ni rengisela itsho tshithu u tou ni sedza ni tshi fa, tenda vha tshi wana tshelede.

⁴⁷ Vhunga politiki na nndwa. A thi tendi kha nndwa. A thi tendi uri riñe roþhe ro vha ro tea u vhuya ra vha na nndwa.

Ndi tenda kha Muvhuso muhulwane une Mudzimu a khou u disa, vhutshilotshedza vhuhulwane vhune ha do ñiswa fhasi fhasi ha ndango khulwane Ya Ene muñe; na kathihi hu nga si tsha vha na iñwe nndwa. Lushaka lu nga si imisele dzitshaka mafumo. Dzoþhe dici do vha mulalo, mulalo wa U Ya Nga Hu Sa Fheli.

⁴⁸ Ngauralo ulu lushaka lwa vhutshilotshedza lu ñisa nndwa. Huno ri tshi tshilotshedziswa lwo engedzeaho, fhasi ha hovhu, ri na nndwa dzo engedzeaho. Muñwe a tshi khou lingedza u vha o tshilotshedziswaho lwo engedzeaho u fhira muñwe, huno o tshilotshedziswaho lwo engedzeaho u ita nndwa yo engedzeaho. Ni a vhona?

⁴⁹ Huno sedzani mini, fhasi ha uvhu vhutshilotshedza, uri muthu u do bvisela nda tshithu tsho raloho tshi no nga hetsho. Huno tshithu fhedzi tshine tsha ita, tshi a ni fhura fhedzi u ni ita uri ni renge sigarete dzo engedzeaho. Ngauri arali munna a tshi daha dzisigarete... Huno ndi a tenda uri ndi ha diabolo, huno hu na diabolo wa nikotini kha munna na, kana musadzi. Huno arali sigarete nthihi i tshi do fusha uyo diabolo wa nikotini u swika a tshi ni sia ni noþhe huno a guma u ni dalela, nga sigarete nthihi. Huno zwenezwo ni dzhia sefo, na tou tendela tshararu tsha uvho vhutsi nga kha heneffo-ha, kana tshararu tsha iyo nikotini nga kha heneffo, zwenezwo i do dzhia sigarete tharu u dzhia fhethu ha iyo iñwe, huno ni do daha tharu kha nthihi.

⁵⁰ Ni a vhona, ndi tshi—tshikimu fhedzi, vhufhura, tshikimu tsha u lingedza u rengisa dzisigarete. Vha nga kona u rengisa dzo engedzeaho nga iyo ndila u fhira zwine vha nga kona nga u tou tendela munna u daha fola ya tswititi nga bibi yawe kana nga sigarete yawe. Zwino, ni a vhona, ndi ya diabolo.

⁵¹ Musi ndo ima heneffo ndo i sedza, nahone ndi tshi khou elekanya nga ha uri zwi fhura hani, mbudziso ya ndela. Huno nda kotamela murahu, nda sedza paka hafhu, huno nda...ha tou nga tshiriwe tshithu tsho ri kha mñe, “Fhedzi tshilogeni tsho luga, ‘sefo ya munna a elekanyaho, muthetshelo wa munna a dahaho.’” Zwo ndela zwauri uvho vhufhura, na hone, kha fhethu ha mvelo heneffo kha fola, ndi tshiriwe tshithu nga tshivhumbeo tsha zwivhidzo zwa ñamusni, ni a vhona, vhufhura.

⁵² Huno ho ða u swika shango loþhe lo no vha vhufhura vhuhulwane ha zwine zwa vhukuma zwa vha ngoho na zwine zwa vha zwone. Ni a vhona, na kha politiki, na kha mafhundo a matshilisano, tshikoloni, kha tshiriwe na tshiriwe, zwi vha vhufhura.

⁵³ Muthu muswa o vha a tshi khou mmbudza linwe duvha uri o vha e ngei fhasi mushashani wa mmbi, huno swole liswa la kandiwa nga thannge; mafhafhu awe, thumbu yawe, kana tshiñwe na tshiñwe tshe tsha vha tshi tshone, tsha phulea. Huno vha ya nthia ngei sibadela; vho vha vhe na madokotela mararu kana maña o imaho heneffo kha muduba, huno muñwe na muñwe o ima kha muduba. Huno maswole mavhili kana mararu o fara khonani dzao, huno yone i sa tou kona u fema... Tshifhinga tshothe a tshi fema, iyo mbavu yo vha i tshi thavha heneffo ngomu ha mafhafhu awe, huno izwo zwa mu ita uri a bve malofha nga ngomu. Huno vha tendela uyo muñhannga u ima heneffo kha uyo muduba, kule murahu ngei murahu ha muduba, huno vha vha tendela, vhañwe vha avho vhanna vha si na tshithu nga nnđa ha u rema ha ndevhe kana tshiñwe tshithu, u ya phanda.

⁵⁴ Huno tshifhinga tshi tshi todou swika tsha uri a swike heneffo nthia, kolonele muñwe a džhena e na ñwana we a vha e na munyavhili, mutukana wawe muñuku kana musidzana e na munyavhili kha tshanda tshawe. Huno vha imisa uyo muduba, uri vha dzenise ñwana wa kolonele, huno uyo mutukana o phuleaho, a tshi khou fa. Khezwo.

⁵⁵ Oo, arali uyo kolonele o vha e vhuđipfi ha vhukumakuma kha murathu wawe ngeyo nnđa mudubani, o vha a tshi do vha o ri, "Uyu ñwana a nga lindela. Disani uyo munna ngeno nthia ngea u ñavhanya, mu iteleni tshiñwe tshithu!"

⁵⁶ Fhedzi munna muñwe na muñwe u todou sumbedza maandalanga awe. Zwino, a vho ngo ralo vhothe; hai, a vho ngo ralo vhothe. Fhedzi hu na vhanzhisa vha u ralo. Hu na vhanzhisa vhavho vha u ralo. Fhedzi munna, tshithu fhedzi tshe a vha a tshi khou elekanya nga hatsho, ho vha hu mutukana muñuku wa ene mune we a vha e na munyavhili kha tshanda tshawe, huno a vha a sa elekanyi nga ha uyo mutukana a tungufhadzaho o imaho heneffo o kwanyiwaho fhasi ha thannge, yeneyo thannge nahone khamusi onoyo mutukana we a vha a tshi do tshidza vhutshilo hawé linwe duvha nndwani. Ni a vhona, a vha imi vha elekanya; vhone vhañe fhedzi.

"Sefo ya munna a elekanyaho."

⁵⁷ Nda i sedza, huno nda elekanya, "Ndi tshiñwe tshithu tshi fanaho na di-dinomineisheni dza ñamusi, zwivhidzo zwine ra vha nazwo." Tshiñwe na tshiñwe tshazwo tshi na sefo yatsho; zwi na lushaka lwa zwone zwiñe lwa sefo. Zwi tendela fhedzi tshire tsha dzhena tshire zwa ñoda, na tshire tsha sa tee u dzhena; tshire zwa tshi sefela nga ngomu na tshire zwa tshi sefela nnđa, nga lushaka lwa zwone zwiñe lwa sefo. Zwi sokou tendela vhunzhisa ha shango u dzhena u fusha vha sa tendi vha re ngomu heneffo. Zwi do vha

dzenisa ngomu hu sa londwi zwine vha vha zwone, arali vhe na tshelede. Zwi ḋo vha dzenisa hu sa londwi zwine vha vha zwone, arali vha tshi takalelwa.

Fhedzi hu na tshithu tshithihi nga hazwo, ni nga si kone u dzhena Tshivhidzoni tsha Mudzimu nga u ralo; hu si dinomineisheni zwino, ndi khou amba tsha vhukuma, Tshivhidzo tsha Mudzimu tsha vhukumakuma.

⁵⁸ Vhunga khamphani dza fola dza ḥamus, vhatu vha dzenahao ngomu ha izwi zwivhidzo zwo ambiwaho kana dzidinomineisheni, vha na muthetshelo, huno uyo muthetshelo ndi klasiki dza shango. Huno dinomineisheni iñwe na iñwe i na sefo ya yone iñe, huno dzi sefela nn̄da Vhakriste vha ngoho vhothe vha no ḋo ri "amene" musi o vha a tshi khou rera; huno dza dzenisa vhadzia-u-fhungudzela mavhudzi vhothe, Vhojesebele vho penndwaho zwifhañuwo vha re shangoni, tenda vha tshi takalelwa. "Mukeneñene u da kha yashu... filimustaa, muthu muhulwane." Ulwo ndi lushaka lwa sefo lune vha lu shumisa. "Dinomineisheni yashu. Mukeneñene, muphuresidennde, kana-kana kolonele, kana muñwe a re wa dinomineisheni yashu." Ni a vhona uri ndi lushaka-de lwa sefo lune vha lu shumisa? Iyo sefo, a hu na zwiñwe, ndi ya shango, vhatu vha shango.

⁵⁹ Vhatu, vha ñivha zwine vha ḫoda. Ngauralo arali vha tshi tea u wana zwine vha zwi ḫoda, zwenezwo vha ḋo tea u vha na luñwe lushaka lwa sefo, na shango lo edanaho u nga amba nga khalo, u fusha muthetshelo wavho wa shango. "Sefo ya munna a elekanyaho, muthetshelo wa munna a dahaho." Sefo ya shango la vhurereli, na muthetshelo wa munna wa shango.

⁶⁰ Vha ḫoda u vha vha vhurereli. Vha elekanya uri vha fanela u vha vha vhurereli, ngauri vha na mbilu.

⁶¹ Musi ri tshi da lwa u thoma kha lino shango, no wana Muindia a tshi khou luvha mađuvha na zwiñwe-vho, ngauri (ndi ngani?) ndi muthu. Ri ya murahu ngei mañakan a kule a Afurika, ri wana ngwaniwapo vha tshi khou luvha tshiñwe tshithu. Ndi ngani? Ndi vhatu, huno vha a ḫoda, vha fanela u luvha.

⁶² Ngauralo muthu, a hu londwi uri o wa hani, u kha ñi ñivha uri hu na tshiriwe tshithu huñwe fhethu. Fhedzi u na muthetshelo muhulwane wa shango, lune a kundelwa u dzhia sefo i re yone. U tea u vha na sefo yo itwaho nga ene muñwe. Muñwe na muñwe a tshi khou ita sefo ya lushaka lwa ene muñwe.

⁶³ Khamphani ya sigarete iñwe na iñwe i zuwa yayo, ine vha kona u ita, "Sefo ya vhukuma! Iyi ndi sefo ya khwinesa! Dzothe dici nga phanda!" na dzothe nga u ralo. Ha pfi, "Muthetshelo u a ña," kana tshiriwe tshithu, "tshi tshi bva nga phanda." Oo, nga vhanna. "N̄tha nga phanda"? Naa tshi

re murahu hayo ndi mini, naho? Tshone ngoho a si munna a elekanyaho kana musadzi a elekanyaho. Fhedzi izwo ndi zwine vha amba, vha tshi khou tou fhura vhathu fhedzi.

⁶⁴ Zwino ri a wanulusa, zwa ḫuvha ḫashu, zwauri vhathu vha na muthetshelo. Huno ndi ngani munna a tshi daha sigareṭe? Ndi u fusha muthetshelo. Naa musadzi u dahelani sigareṭe? U fusha muthetshelo.

⁶⁵ Huno zwenezwo arali tshivhidzo tsho anganya, tshigwada tsha vhurereli, vha...u dženisa vhathu henefho, vha tea u vha na luńwe lushaka lwa sefo u ḫea vhathu muthetshelo une vha u ḫoda. Ngauralo arali vha sa wani muńwe muthetshelo-vho une vha u ḫoda, a vha ḫodi sigareṭe. Huno arali vha sa koni u wana muthetshelo une vha u ḫoda kha vhurereli, a vha dzhii vhurereli. Zwino, izwo zwi tou vha khagala u ya nga hune zwi nga vha ngaho.

⁶⁶ Vhasadzi vha re na dzishothi, mavhudzi o fhungudzelwaho, zwifhaṭuwo zwo penndwaho, vho ambaraho lwa vhudzekani, vha ḫoda hezwo. Vha funa hezwo.

⁶⁷ Vhunga ndo amba matsheloni ano na nga matsheloni a Swondaha yo fhiraho, nga ha iļo linga vhukati ha linga, kana iyo mbilu ḫukhu ya nga ngomu nga ngomu ha maya. Ndila ine maya nga nn̄da, vhukati ha mbilu na muvhili, zwi nga ḫoliswa zwa vhukumakuma nga Muya Mukhethwa. Naa no zwi pfesesa izwo noṭhe? [Tshivhidzo tshi ri, "Amene."—Mudz.]

⁶⁸ Zwino u tevhela izwo hu si na tshanduko ya Mulaedza, *Mudzimu Wa Lino Shango*, *Vhadodzwa Maduvhani A U Fhedzisela*. Afho nga nn̄da, itsho tshitendeledzi tsha vhukati... Tshitendeledzi tsha u thoma ndi zwi-zwipfi zwa muthu. Tshitendeledzi tsha vhuvhili ndi zwipfi zwa maya; lufuno, lufuno lwa ene muńe, lutamo, na zwinwe-vho. Fhedzi nga ngomu ndi mbilu; iyo mbilu yo tiwa.

Ngauralo, vha nga kona u dolisa uyu maya u ita uri muvhili wa nga nn̄da u kone u langiwa nga maya. "Fhedzi mbilu i no tshinya, iyo mbilu i ḫo fa." Mbilu i no landula, nga u sa tenda, Ipfī la Mudzimu, ine ya vha uri ndi tshipida tshalo, iyo mbilu lwa U Ya Nga Hu Sa Pheli i ḫo...yo ralo, tshifhinga tshoṭhe.

⁶⁹ Ndi tenda kha lufu lwa U Ya Nga Hu Sa Pheli, u tou fana na musi ndi tshi tenda kha Ṭađulu ha U Ya Nga Hu Sa Pheli, fhedzi hu si vhudzulavhafu ha U Ya Nga Hu Sa Pheli. A hu na tshithu tsho raloho tshi no nga vhudzulavhafu ha U Ya Nga Hu Sa Pheli. Hu na lufu lwa U Ya Nga Hu Sa Pheli lwa vhathu vhane vha...Vhanzhi vhavho, ndi vha vhurereli, shangoni ḫamusi, tshifhinga tshoṭhe vho fa.

⁷⁰ "Musadzi a no tshila e kha u ḫiphina," e na mavhudzi awe o fhungudzelwaho na tshifhaṭuwo tsho penndwaho, "o fa naho

a tshi tshila.” Bivhili yo amba nga u ralo. Ni a vhona? Ni a vhona, a nga di vha wa vhurereli, fhedzi na kathihi ho ngo tshidzwa. U na nyito ya nga nn̄da. A nga di imba kha khwairi, kana a nga di tshina Muyani, a nga di amba nga dzindimi, huno a vha na u vhonadzwa hothe ha Muya. Fhedzi nn̄dani ha musi iyo mbilu i re nga ngomu i ñwananyana wa Mudzimu, ni a vhona, ha tsheeho, a hu londwi zwine a ita.

⁷¹ Israele yo vha i ya muya tshothe nga nn̄da, yo dala tshothe nga vhuvhuya ha Mudzimu, na ndila ye vha hulisa Mudzimu, na zwiñwe-vho, fhedzi izwo a zwe ngo shuma. Nga ngomu havho a ho ngo limuwa Ipfì Lone line.

⁷² Fhedzi musi no bebwa nga Muya wa Mudzimu, zwenezwo ni na...ni murwa wa Mudzimu, huno tshifhinga tshothe no vha ni murwa wa Mudzimu, huno tshifhinga tshothe ni do vha murwa wa Mudzimu. A hu na ndila ya u zwi fhandekanya, ngauri zwi...ni na Vhutshilo Vhu Sa Fheli. Huno U Ya Nga Hu Sa Fheli na kathihi a ho ngo thoma; nahone hu nga si vhuye ha guma.

⁷³ Oo, u itela tshilidzi tsha Mudzimu, tsha uri U do ri nea pfecteso ya zwiphiri zwiulwanesa! Vhunga Paulo o amba hafha, phanda u tsa fhasi kha Vhaefesa, a tshi khou amba nga ha munna na mufumakadzi, huno a ri, “Itshi ndi tshiphiri,” ndila ine vhasadzi vha tea u thonifha vhanna vhavho. Na fhethu ha vhuvhili, ndi tenda uri ndi hone, Bivhili yothe, he khuliso ya vhuya ya ambiwa. Ho pfi, “Vhasadzi, nga u vhona uri u hulisa munna wawe, u hulisa munna wawe.” Zwenezwo munna u tea u tshila vhutshilo ho ralohu phanda ha mufumakadzi wawe uri mufumakadzi wawe a kone u mu hulisa vhunga murwa wa Mudzimu. Huno arali a sa tshili ulwo lushaka lwa vhutshilo, zwe ralo, zwenezwo, a hu na zwiñwe, a nga si mu hulise, ngauri u a ñivha uri o itwa nga mini. Fhedzi musi e munna a re munna a hulisaho, a tshi hulisa nahone o kuna, kha mufumakadzi wawe na phanda ha muta wawe, mulanda wa vhukuma wa Mudzimu, zwenezwo vhasadzi, vhana, na whothe, vha tea u thonifha uyo mulanda wa Mudzimu, nga khuliso.

⁷⁴ Dzhielani nzhele zwino. Musadzi, vha toda u vha na mavhudzi o fhungudzelwaho. Vha toda u ambara dzishothi, u pennda, zwidolo. Idzi bikini ñukhu na zwithu zwine vha—zwine vha ambara maðuvha ano, vha toda u zwi ita; huno naho zwe ralo vha toda u ya tshivhidzoni. Ñwi ni a vhona iyo nn̄dzo kha muya, hu si kha mbilu. Ni a vhona?

⁷⁵ O ri, u toda u vha Mukriste nahone a ita izwi zwithu, huno mufunzi uri zwe luga. Zwenezwo arali a tshi ri ho luga, “Inwi ni nga kona u vha murado; dzina lañu li nga kona u vha kha bugu ya tshivhidzo tshanga fhano; ho luga,” zwenezwo u khou mu ñea sefo yawe ya dinomineisheni u fanelu muthetshelo wa musadzi wa shango. U funa shango; u funa muthetshelo wa.

Ngauralo u na sefo i re yawe, fhedzi u kule nga maanda na u vha musadzi a elekanyaho. Fhedzi khezwo. Afho ndi he nda wana ili linwalwa.

⁷⁶ Hai, ene a si mu—musadzi a elekanyaho. Arali o vha a tshi elekanya, o vha a tshi do zwi divha uri tshivhidzo a tshi khou yo mu haṭula nga Duvha la u fhedzisela. Tshivhidzo tshi khou mu haṭula zwino nga vhurado hawe, u fulufhedzea hawe kha zwigwada zwine a vha khazwo na madzangano. Vha khou mu haṭula zwino nga hezwo. Fhedzi Mudzimu u khou yo mu haṭula nga Duvha la u fhedzisela. Ngauralo ha khou elekanya.

⁷⁷ U tou fana na munna a no daħa; u funa sigareṭe zwavħudisa u swika vhukoni hawe ha u elekanya ho no farwa nga tshivhevhe nga nikotini. Huno lutamo lwa musadzi lwo no farisa vhukoni ha u elekanya hawe nga tshivhevhe nga maanda u swika a tshi do ita izwi zwithu zwi re zwihi maṭoni a Murena, ngauri u ḥoda u zwi ita; zwi fusha muthetshelo wa musadzi wa shango. Ngauralo u dzhia sefo ya tshivhidzo tsha shango; u tshimbila hothe ngayo, zwo luga, hu si na u dinalea nga tshithu. Zwi sumbedza . . .

⁷⁸ Zwino ri a vhona heneffo zwauri iyo ndi Ngoho. Huno mufunzi u ri, "Izwo zwo luga. A ri haṭuli vhasadzi nga u ita hezwo. Ndi zwo lugaho." Hu na tshivhi tsho edanaho khazwo; tshi no khou fhira nga sefo yawe. Zwi sumbedza uri vho fhira nga kha sefo ya theolodzhi. Huno vha na muthetshelo wa theolodzhi; huno vho vha vhe na muthetshelo wa theolodzhi. Fhedzi zwa vhukuma a wo ngo fhira nga kha Sefo ya Mudzimu. Hai, muñe wanga.

⁷⁹ Zwino, arali hu na sefo ya theolodzhi ya muelekanyi wa theolodzhi, huno hu na sefo ya tshivhidzo ya muelekanyi wa tshivhidzo, sefo ya sigareṭe ya muelekanyi wa sigareṭe, hu tea u vha na sefo ya vhukuma huwiwe fhethu ya muelekanyi wa vhukuma. Huno Mudzimu u na Sefo, huno iyo ndi Ipfi Lawe. Ndi tshifhandekanyi, ngauri Ndi mađi a phandekanyo ya tshivhi. Zwino, uyo ndi muthetshelo wa munna a elekanyaho kana wa munna mukhethwa.

⁸⁰ Huno arali munna a tshi fhira nga kha ulu lushaka lwa sefo ya shango, u—u na muthetshelo wa shango. Huno vhunga khamphani ya fola, u wana mirado yo engedzeaho tshivhidzoni tshawe nga u vha sukumeda nga kha iyi sefo. Arali vha tshi ri, "Hu na vhasadzi vho engedzeaho vha no ya tshivhidzoni u fhira vhanna." Izwo zwi nga di vha nga u ralo. Zwino, izwo zwi nga di vha zweathe ngoho nga maanda, ngeno a tshi nga kona u ya huno a ita tshiñwe na tshiñwe tshire a ḥoda. Izwo ndi zwone. U do ita, u do vha murado wa tshiñwe na tshiñwe, fhedzi o fhira nga kha iyo sefo ya tshivhidzo. Arali o fhira nga kha Sefo ya Mudzimu, u do bva o fhambana na hezwo. Ni a vhona? O vha a si nga fhiri nga kha Sefo ya Mudzimu huno a bva e na mavhudzi o fhungudzelwaho. U tou vha a si nga zwi iti.

⁸¹ Zwino izwi zwi khou yo vha—vha zwi vhavhaho zwițuku khamusi kha muňwe muthu. Fhedzi musi o thoma nga kha Sefo ya Mudzimu, huno I tshi amba ngomu heneffo uri vhone vha songo ȳunya mavhudzi avho, zwenezwo (mini?) u dzula kha nnđu ya vhuawelo kha liňwe sia. Arali Ło ri ndi tshivhi kha musadzi u ita zwo raloho, nahone u a nyadzisea a tshi ita zwo raloho.

“Arali a tshi ḥoda u ralo,” u ri, “zwo luga, u tea u ita uri mavhudzi awe a ȳunyiwe.”

Ho pfi, zwenezwo, “A vheuleni-ha.” Nahone ha pfi, “Ri a zwi ȳivha uri zwi a shonisa musadzi a tshi vheulisa ḥohoh yawe.” Ha pfi, “Zwenezwo i ri ni a fukedze ḥohoh yawe.” Huno mavhudzi awe ndi tshifukedzi tshawe; hu si muňadzi, mufumakadzi. Mavhudzi awe ndi tshifukedzi tshawe, Bivhili yo amba. Ndi zwone. Zwi sumbedza uri ndi Munazaretha kha Murena. Mavhudzi malapfu, kha musadzi, a amba Munazaretha kha Murena. Zwino, ri wana uri izwo ndi ngoho.

⁸² Fhedzi ri wana uri arali munna a elekanyaho, a no sokou vhidzwa nga u ralo shangoni, a tshi kona u daha huno a di wana muthetshelo wawe, u tea u vha na thalukanyo yo edanaho u zwi ȳivha uri u khou wana tshinyai kha fola. Fhedzi yone fhedzi, zwe ya ita, ndi u mu rengisela dzo engedzeaho, u mu ita uri a renge sigareṭe dzo engedzeaho.

⁸³ Huno sefo ya tshivhidzo i wana vhurado na zwithu zwa u ralo musi vha tshi vha tendela u bvela phanda na tshińwe na tshińwe huno vha di vha vha tshivhidzo, vha wana mirađo yo engedzeaho. Mini-ha arali ro ya zwivhidzoni madekwana a ȳamusi huno ra sefela nnđa muňwe na muňwe nga nnđa ha avho vhe vha vha Vhakriste vho bebwaho nga Ipfi vha vhukumakuma. Ho vha hu tshi ḥo vha na vhanzhi vha no ḥo vha theri i re na tshikhala yo ditikaho nga luvhondo madekwana a ȳamusi, ndi ngoho, ngauri yo fhira nga kha Sefo.

⁸⁴ Huno arali ndi na lutamo luthihi mbiluni yanga, huno ndi tshi fhulufhela uri muňwe na muňwe a no khou nthetshelesa u na zwenezwo zwithihi, “Mudzimu, mphirise nga kha Sefo Yau.” Vhunga Dafita o ri, “Nndinge, huno u nndingulule, huno u vhone arali hu na vhuńwe vhuvhi-vho kha nne, zwenezwo u vhu bvise, Murena.” Ni a vhone? Ndi ḥoda Sefo ya Mudzimu. A thi londi zwine shango la ita, zwine tshivhidzo tsha vha nazwo; ndi ḥodou vha munna a elekanyaho, u elekanya uri ndi Nnyi ane nne nda khou yo ima tsini nae nga liňwe la aya mađuvha, u itela Khařhulo.

⁸⁵ Dzhielani nzhele, khamphani ya fola i a zwi ita u rengisa sigareṭe dzo engedzeaho; tshivhidzo tshi a zwi ita u wana mirađo yo engedzeaho. Musadzi a re na mavhudzi mapfufhi, a no khou ambara dzishothi, u ḥo fashwa kha Sefo ya Mudzimu. O kundelwa u fhira nga Khayo, e na mavhudzi mapfufhi, ngauri Bivhili yo amba zwauri a songo zwi ita. U nyadzisa

thoho yawe musi a tshi zwi ita. Ri tea u zwi ḫivha. Fhedzi u fhira heneffo nga kha tshivhidzo zwavhuđi, vhańwe vhavho vhođhe. Ndi a ima tshińwe tshifhinga...

⁸⁶ Ndi sa nyadzi nnyi na nnyi; na kathihi a thi ambi sa muthu nga ha muńwe muthu-vho, fhedzi ndi tshivhi tshivhidzoni. Inwi ni a ntanzielela kha hezwo. A tho ngo ri, "Mufumakadzana *Mukeneñene* u *tshikeneñene*, kana Vho-*Mukeneñene*, kana Vhaf. *Mukeneñene* vha *tshikeneñene*." Hai, muńe wanga. Ndi ri tshivhi ndi tshivhi. Arali tshi mućani wanga, tshi kha nñe, tshi kha ane tsha vha khae, tshi kha di vha tshivhi. Hu si sa muthu, a thi ambi ndi tshi lwa na vhatħu. Ndi amba ndi tshi lwa na tshivhi. A thi londi arali hu nñe kana ane a vha ene, na thoma nga Sefo ya Mudzimu, tshivhi tshińwe na tshińwe-vho tshi ḫo ni imisa henehafho.

⁸⁷ Dzhielani nzhele. Fhedzi musadzi a no ḫođa u vha na mavhudzi mapfufhi huno a ambara dzishothi, kana a ambara pennde na tshińwe na tshińwe, a nga kona u fhira nga kha sefo ya Pentekoste zwi tshi tou leluwa sa phai, hu si na tshithu nga hazwo, heneffo ngomu ha lufu. Ngauri, ene... Ene u ri, "Zwo luga, a hu na tshi vhaisaho kha hezwo."

"Arali ni tshi funa shango kana zwithu zwa shango, ndi ngauri lufuno lwa Mudzimu lu sa vhi lwa vha hone kha inwi."

⁸⁸ U tsa fhasi nga kha uyu maya, zwenezwo, a nga kona u kokodzela fhasi ngomu mbiluni yawe, zwithu zwine zwa sa vhe zwa Mudzimu nahone zwi lwaho na Ipfi ḫa Mudzimu, arali uyo u muthetshelo mbiluni. Zwi nga ḫa nga kha muthetshelo; *u vhona, u thetshela...* Zwi nga ḫa nga kha *u elekanya*, nga kha *u humbula*, "A hu na u vhaisa khazwo. Ndi na muthetshelo. Ndi na vhudipfi. Ndi na vhudipfi ha uri izwi zwo luga." A nga kona u tsela heneffo fhasi nga kha hezwo, na heneffo ngomu mbiluni yawe, arali mbilu yawe i ya ulwo lushaka. Zwi sumbedza uri ha khou kokodza nga kha Sefo ya Mudzimu.

Fhedzi arali e na mavhudzi o fhungudzelwaho, a tshi ambara zwidolo, dzishothi, marukhu, a tshi sedzea vhunga wa munna, izwi zwileke zwothe na zwine vha zwi vhidza zwone; vha tshi amba ulwo lushaka lwa zwithu, huno vha tshi ita izwo zwithu, nahone vha tshi khou tshirela shango, u ḫo ima; a nga si kone u fhira nga kha Heneffo. Hai, muńe wanga. I ḫo mu imisa ngei u rangani.

⁸⁹ Dzhielani nzhele, munna a tshi khou sedza milomo yawe mitswuku ya lunako na tshifhađuwo tsho penndwaho, na dzishothi na—na dzibikini, na tshińwe na tshińwe tshire a vha natsho; munna a elekanyaho zwa vhukuma a nga si mu sedze. Zwino, munna a re murado wa tshivhidzo u ḫo mu sedza, a mu tama. Fhedzi a thi londi uri u sedzea hani kha iđo, munna a

elekanyaho u do rembulusa thoho yawe. Ndi ngani? O fhira nga kha Sefo ya Mudzimu, huno u a zwi divha uri u mu sedza ndi vhupombwe mbiluni yawe. Ha elekanyi uri ndi wa lunako.

Ni ri, "Naa a si ene tshithu tshavhuđi!"

Khae a si tshone. Ndi ene Jesebele a vhone alaho e wa tshika, a ḥungufhadzaho o dzhielwaho, kha munna a elekanyaho. Murwa wa Mudzimu u a mu sedza e na ḥoni dza uri ndi wa muṭa une ene a vha khawo. Izwo ndi zwone. "Naa uyo a nga vha hani khaladzi anga huno a ita nga u ralo?"

⁹⁰ Ni a vhona, o kokodza nga kha iñwe sefo, huno ene a da nga kha iñwe. Ene a nga si elekanye uri ndi wa lunako, na luthihi. Ulwo a si lunako kha munna wa vhukuma wa Mudzimu.

⁹¹ Elelwani, nga tshiñwe tshifhinga musi Malofha a Yesu Kristo a sa athu vha Sefo, vhunga ri tshi do swika khazwo nga miniti i si gathi, "Vharwa vha Mudzimu vho sedza vhananyana vha vhathu, uri vho vha vhe vhavhuđi, huno vha ḥidzhiela vhone sa vhafumakadzi." Mudzimu na kathihi ho ngo zwi hangwela. Zwa bvelela hafhu, kha mumatsho wa Israele, huno Mudzimu na kathihi ho ngo vha hangwela. Muñwe na muñwe wavho o lovha.

Sefo ya munna a elekanyaho!

Ndi bva hafha muṭanganoni; ho vha hu na riki muṭuku o imaho ngeno murahu nga murahu ha kereke vhuñwe vhusiku, a ri kha nñe, lwa miñwaha i ḥodaho u swika miraru kana miña yo fhiraho, a ri, "Tshi itisaho uri vha ambe izwo, ndi uri vha munna wa kale." Ha pfi, "Ndi elekanya uri vha sedzea vhe vhavhuđi."

Nda ri, "Ndi a kona u humbulela hezwo." Nga mbonalo yawe phedzi, ni nga kona u amba uri o vha a tshi nga mini. Nda ri, "I ri ni ndi ni vhudze tshiñwe tshithu. Naa ni na miñwaha mingana?"

"Ndi na miñwaha i no ḥodou swika furaru."

⁹² Nda ri, "Musi ndo vha ndi na miñwaha ya fumiñhanu muṭuku kha inwi, ndo elekanya zwenezwo zwithihi." Ndi zwone. Huno zwi kha di vha tshika!

⁹³ Sefo ya munna a elekanyaho! Zwino dzhielani nzhele, arali o vha, thalukanyo yawe yo sefiwa nga kha Ipfi la Mudzimu, Sefo ya Mudzimu, a nga si mu sedze. A nga si elekanye uri ndi wa lunako; u do elekanya uri ndi ene Jesebele. U do elekanya, uri murahu ha iyo milomo mitswuku hu na mano mahulu a mulimo a no do mu luma. Huno Bivhili yo ri, "Khoro dzawé ndi khoro dza vhudzulavhafu; huno munna u tshimbila ngomu hadzo vhunga phulu i tshi ya u ḥavhiwani." Ngeyo Sefo ya munna a elekanyaho.

⁹⁴ Naa ni tama mini? Musi uyo musadzi a tshi tsa nga tshiñaraṭa o ambara nga u ralo, huno vhoiñwi vhanna na

rembulusa Ძhoho dzaṇu, na sedza u mona hothe nga u ralo, a ni khou shumisa Sefo ya munna a elekanyaho. Ngauri, musi ni tshi ita hezwo, ni khou ita vhupombwe, ngauri Sefo yo ri, "Ane a sedza musadzi uri a mu emule o no di ita vhupombwe nae." Rembulusani Ძhoho yanu, munna a elekanyaho. Tutshelani kule hawe. A si wa lunako. Ndi nowa; izwo ndi zwone, u thwista vhunga yone, u ita vhunga yone, u luma vhunga yone. Sendelani kule hawe.

⁹⁵ Oo, ee, Ipfi la Mudzimu ndi Sefo ya munna a elekanyaho. Muñwe na muñwe u a zwi divha hezwo. Iyo ndi yone ine mbilu yanu ya sefiwa nga khayo, Ipfi la Mudzimu. Huno I ita, musi ni tshi da nga kha Mudzimu... Musi munna a elekanyaho a tshi da nga kha Sefo ya Mudzimu, zwi mu nea muthetshelo wa munna mukhethwa. Izwo ndi zwone. Musi ni tshi da nga kha Sefo ya Mudzimu, zwenezwo muthetshelo wanu ndi muthetshelo wa munna mukhethwa. I ita muthetshelo wa munna o lugaho. Tshiłogeni zwa vhukuma tsho luga.

⁹⁶ Zwino ri a wanulusa ndila ye izwi zwa itwa nga tshifanyiso, kha la Israele, u itela tshivhidzo tsha Israele fhedzi. Itsho ndi tshone tshiitisi, tsha u amba izwi zwino, arali vhashumeli vha sa tendelani kha tshiñwe na tshiñwe tsho ambiwaho; izwi ndi zwa tshivhidzo tshe Murena a nnea tshone uri ndi tshi—tshi rerele.

⁹⁷ Dzhiani nzhele kha Ekisodo 19, ndi Ძoda ni tshi i vhala musi ni tshi ya hayani, musi ni na tshifhinga tsho engedzeaho. Dzhielani nzhele, musi Israele yo ita tshivhi, tsha u thoma vho dzhia tholana tswuku ye ya vha i sa athu hweswa dzhogo mutsingani wayo. Izwo zwi amba uri na kathihi a yo ngo hweswa dzhogo na tshiñwe tshithu.

⁹⁸ Huno yo do tea u vha tswuku. Muvhala mutswuku ndi mu—muvhala wa tshipfumelo. Ni a divha, saintsi i a zwi divha uri arali na dzhia mutswuku huno na sedza nga kha mutswuku, kha mutswuku, ndi mutshena. Sedzani nga kha mutswuku, kha mutswuku, ndi mutshena. U sedza nga kha Malofha matswuku a Murena Yesu, huno zwivhi zwitswuku zwashu zwi vha zwitshena sa mahada; mutswuku nga kha mutswuku.

Huno Ძholana yo vhulawa tshifhingani tsha nga madekwana, nga tshivhidzo tshothe tsha Israele.

Huno heneffo ho vhewa thamu dza sumbe dza malofha ayo kha vothi he tshivhidzo tshothe tsha do tea u dzhena; tshifanyiso tsha Zwickhathi Zwa Sumbe Zwa Tshivhidzo, nga Malofha.

⁹⁹ Huno zwenezwo muvhili wayo wa dzhiwa nahone wa fhisiwa. Wo fhisiwa na khwanda, na lukanda, na mala, na vhutoko. Tshiñwe na tshiñwe tsha fhisiwa, fhethu huthihi.

Huno yo do dobiwa nga munna o kunaho, huno ya tea u vhewa fhethu ho kunaho nn̄da ha tshivhidzo. Ngauralo-ha,

arali Israele yo vha yo kona fhedzi u vhona tshifanyiso! Heli Ipfi la Mudzimu a lo ngo fanela u fariwa nga zwanda zwe tshikafhalaho zwa u sa tenda. Hu tea u vha munna o kunaho. Huno arali o kuna, o do tea u da nga kha Sefo ya Mudzimu.

Munna o kunaho, zwanda zwe kunaho, huno yo do tea u vhewa fhethu ho kunaho; hu si fhethu he Vhojesebele, na Rikisi, na tshiñwe na tshiñwe tshi re na mukovhe; vha dzhia tshilalelo na zwithu, ngeno vha tshi khou gidima na vhafumakadzi, na vhanna, na tshaka dzothe dza tshika; vha tshi ya dzidantsini na zwimimani, huno vho ambara mavhudzi o fhungudzelwaho, na dzishothi, na tshiñwe na tshiñwe-vho, huno vha divhidza Vhakriste. I tea u vhewa fhethu ho kunaho, huno ya fariwa nga zwanda zwe kunaho.

¹⁰⁰ Huno zwenezwo musi Israele yo tshinya, huno vha limuwa uri vho khakha, zwenezwo vha hashiwa nga milora ya tholana iyi, khavho. Huno ayo o vha e madzi a phandekanyo, u tambo tshivhi.

¹⁰¹ Dzhielani nzhele. Ngezwi! Huno musi Israele, vha sa athu dzhena kha vhutama kha u luvha, vho do tea u thoma vha fhira nga kha madzi a phandekanyo. "U itwa vho lugaho nga lutendo; hu da nga u pfa, u pfa Ipfi."

Zwenezwo vha dzhena ngomu tshivhidzoni fhasi ha idzo thamu dza sumbe, malofha, u sumbedza uri tshiñwe tshithu tsho fa nahone tsha ya vhone vha sa athu, u itela tshivhi tshavho. Vho fhandekanywa nga u pfa Ipfi, madzi a phandekanyo, zwenezwo vha dzhena kha vhutama.

¹⁰² Fhethu fhedzi he Mudzimu a tangana na muthu ho vha hu murahu ha iyo nzudzanyo. O vha a si nga tangani nae huñwe fhethu-vho. O do tea u da murahu ha iyo nzudzanyo. Mudzimu o tangana fhedzi na Israele fhethu huthihi.

Huno Mudzimu u tangana na inwi fhedzi namusi fhethu huthihi, huno afho ndi kha Yesu Kristo; huno Ndi ene Ipfi, madzi a phandekanyo. Huno Malofha Awe o shululelwa Zwikathi Zwa Sumbe Zwa Tshivhidzo zwothe. Huno zwenezwo, nga Muya Mukhethwa, ri dzhena kha uvho vhutama, vhune ha nekedzwa fhedzi kha Tshivhidzo. Oo, Ndi muhulwane hani!

¹⁰³ Nahone, zwino, ri toda u sedza kha Vhaefesa 5:26, ye ya ri, "Ndi u tanzwa ha madzi nga Ipfi," madzi a phandekanyo. Naa Li itani? Zwenezwo, Sefo ya Mudzimu ndi Ipfi. Madzi a phandekanyo, "u tanzwa ha madzi, a phandekanyo, nga Ipfi," Sefo ya Mudzimu.

¹⁰⁴ Zwenezwo, inwi ni nga si kone u da ngomu ha Kristo nga kha sefo ya tshivhidzo. Ni nga si kone u da nga sefo ya dinomineisheni kana sefo ya ndaela. Hu na Sefo nthihi fhedzi,

uri ni kone u dzhena ngomu ha afho fhethu hukhethwa, ndi nga kha “u t̄anzwa ha mađi nga Ipfi.” Ipfi la Mudzimu ndi Sefo ya munna a elekanyaho.

¹⁰⁵ Tshivhidzo tshi do ni hačula fhano uri kana ni murađo wavhud̄i, kana hai. Vha do ni nea mbulungo yavhud̄i, huno vha tsitsela fulaga fhasi lwa hafu kha lufu lwaču, vha rumela khare khulwane dza maluvha nahone—nahonē vha ni itela tshiňwe na tshiňwe. Fhedzi musi zwi tshi da kha mbilu yanu i tshi livhana na Mudzimu, i tea u vha na Vhutshilo Vhu Ša Pheli. Huno arali vhu Vhutshilo Vhu Sa Pheli, ndi tshipiđa tsha Ipfi. Huno vhunga ipfi la nne muňe li tshi kundelwa u hana...

Tshanda tshanga nne muňe tshi nga si hane tshanda tshanga. Mađo anga nne muňe a nga si kone u hana tshanda tshanga, kana mulenzhe wanga, kana gunwe langa, kana tshiňwe tshipiđa-vho tshanga. Zwi nga si kone u tshi hana.

Na munna ane a vha tshipiđa tsha Ipfi la Mudzimu, kana musadzi, a nga si hane tshipiđa na tshithihi tsha Ipfi la Mudzimu. Zwenezwo, vhasadzi, musi ni tshi elekanya uri ni nga kona u vha na mavhudzi o fhungudzelwaho huno na da Vuhuhoneni ha Mudzimu, ni a khakha. Ni a zwi vhona? Ni a khakha; ni nga si kone u da nga kha Sefo ya Mudzimu hune na tanzwiwa nga mađi a Ipfi. Zwenezwo ni dzhena kha vhučama. Ni elekanya uri ni ralo, fhedzi ni nga si vhe nga u ralo u swika ni tshi da nga kha Ipfi, nahone fhethu huňwe na huňwe hučuku, Ipfi la Mudzimu liňwe na liňwe lituku. “Muthu a nga si tshire nga tshinnkwa fhedzi, fhedzi nga Ipfi liňwe na liňwe.” Zwi tea u da nga kha uho u sefiwa, u fhira. Huno izwo zwi nea munna o lugaho muthetshelo, ngauri izwo ndi zwone zwine a khou zwi tođa, u khou tođa tshiňwe tshithu tsha u mu kunakisa.

¹⁰⁶ Ipfi, Ipfi la Mudzimu ndi Sefo ya munna a elekanyaho, huno I ita muthetshelo wa munna o lugaho. Ri a zwi diňha uri izwo ndi ngoho; i sefela nn̄da tshivhi tshoňhe tsha u sa tenda. A hu tshe na u sa tenda musi ni tshi da nga kha Sefo, ngauri ndi muthetshelo wa mutendi wa ngoho.

¹⁰⁷ Mutendi wa ngoho u tođa u luga, hu si na u londa. U tou vha a sa tođi u ri, “Zwo luga, ndi wa maimo a matshilisano. Ndi wa tshivhidzo, tshivhidzo tshihulu doroboni.” A thi londi arali hu vhurumiwa ngei khučani, arali hu ngade ya zwiri, huňwe fhethu, munna a elekanyaho u a zwi diňha uri u tea u tangana na Mudzimu. Huno hu si na u londa zwine tshivhidzo tsha amba, kana zwine nnyi na nnyi-vho a amba, u tea u da nga mavhangha a Mudzimu. Huno mavhangha a Mudzimu ndi Ipfi la Mudzimu.

“Zwo luga,” vha ri, “Ipfi la Mudzimu.”

Ngoho, vhone vhoňhe vha a tenda uri Ndi Ipfi la Mudzimu, fhedzi ni a kona u sefa nga Khađo? Naa ni khou yo tendela hani musadzi o fhungudzelaho mavhudzi u da nga

kha Henefho? Naa ni khou yo ita izwo hani? Naa ni khou yo tendela munna u da nga kha Henefho hani ane a sa do fara iyi Pfunzo? Ni a vhona?

A si muthetshelo wa munna a elekanyaho. Hai. Munna a elekanyaho u do elekanya, munna a elekanyaho u do elekanya luvhili a sa athu fhufhela ngomu ha tshiñwe tshithu tshi no nga hetsho.

¹⁰⁸ Dzhielani nzhele, ilo Ipfi li nga si Dihane. Zwenezwo lo fushea, kana ndi lutamo. Ndi lutamo lwa mini? Naa ndi mini tshe tsha ni ita uri ni Li tame, tsha u tou thoma? Ngauri fhasi mbiluni yanu ho vha hu na mbeu yo tiwaho ye ya vha i Vhutshilo Vhu Sa Fheli, tshifhinga tshothe vhu ngomu heneffho, tshifhinga tshothe ho vha vhu ngomu heneffho. “Vhothe vhe Khotsi a Nnea vha do da kha Nne. A hu na na muthihi wavho a no khou yo xela.”

¹⁰⁹ Muthetshelo wa munna a elekanyaho, musi munna a elekanyaho a tshi pfa Ipfi la Mudzimu, “Nngu Dzanga dzi pfa Ipfi Langa, mutsinda a dzi nga mu tevheli,” ngauri fhasi ngomu heneffho hu na Vhutshilo, huno Vhutshilo vhu tumana na Vhutshilo.

Tshivhi tshi tumana na tshivhi, huno tshivhi tshi a hoy a nga maanda u swika tshi tshi elekanya uri tsho tshidzwa ngeno tshi songo tshidzwa. Tshi kha vhudzivha honoho ha u hoy a.

¹¹⁰ Mirado ya tshivhidzo i toda sefo ya dinomineisheni uri vha kone u vha na lutamo lwa vhone vhañe huno vha di vhewa kha kilasi ya vhatu “vha vhurereli.” Inwi ni a vha pfa vha tshi ri, “Oo, ndi wa vhurereli nga maanda.”

¹¹¹ Kha ja Afurika, ndo vha ndi henengei nnnda linwe duvha, huno vho vha vha tshi khou amba nga ha idzi, vhañwe vhana vho vha vha tshi khou amba nga ha idzi nyimbo dza roko-na-rolo dze Elvis Presley na vhañwe vha vha tshi khou dzi imba, Pat Boone na vhañwe-vho, Ricky Nelson na vhañwe vhothe. Nda ri, “Ndi tshivhalonyana tsha mashandukwa.”

Muñwe musidzana muñku a ri, “Malandu, ndi wa vhurereli nga maanda.”

¹¹² Nda ri, “Na Yudasi o vha o ralo.” Nda ri, “Yudasi o wana fhedzi maseña a furaru; Elvis Presley o wana dolara dza milioni dzi re na tshivhalo.” Ni a vhona? “Vhone vhothe vho rengisa vhutanzhe havho.” Ni a vhona? Nda ri, “A vha tshi... tshikolodo tshenetsho tsho vhifhesaho tshine lushaka lwa vha natsho.” Hu kha di vha, hu tshi fhura vhunga sefo ya sigarete, idzi dinomineisheni dzi tendela iyo mirado u dzhena. A vha tei u vhuya vha vha... Hu tea u vha na mulayo wa uri vha si kone u imba nyimbo dza vhurereli. Zwi lwa na... tea u lwa na mulayo vhone vha tshi zwi ita.

Fhedzi tshithu tshothe tsho no vha thulwi nthihi khulukhulu ya u hoyo, huno heneffo ndi hone hune vha dzula namusi. Sef-ya vhukuma . . . [Tshikhala kha theiphi—Mudz.] ya mbilu, i ri, “Arali ni tshi funa shango kana zwithu zwa shango, lufuno lwa Mudzimu a lu vhuyi lwa vha kha inwi.”

¹¹³ Ni a vhona, inwi ni nga si—inwi ni nga si ri roko-na-rolo ndi ya shango . . . kana ndi ya Mudzimu. Roko-na-rolo ndi ya shango. Inwe ya idzo dantsi na zwe sefiwaho . . . zwithu zwa tshika zwi nengisaho, kha ndi ri, ndi zwa shango. Zwothe ndi zwa shango.

Inwi ni nga si ri mavhudzi o fhungudzelwaho a musadzi ndi a Mudzimu. Bivhili i ri a si one, ngauralo ndi tshika ya shango. Huno arali ni tshi funa kupaqa kuthihi kwa shango, lufuno lwa Mudzimu a lu vhuyi lwa vha kha inwi. Ni a vhona?

¹¹⁴ Naa izwo ndi mini? Zwe ralo, ndi mini tshire tsha khou zwi kokodza? Ndi tshiñwe tshithu fhasi nga ngomu tshi no khou kokodza. Mbilu i khou kokodza tshibveledzwa tshanu nga kha nn̄da, fhasi nga kha maya, ngomu mibiluni. Huno arali mbilu i tshi funa shango, yo fa. A thi londi uri yo ñoliswa hani, i nn̄da *hafha*, na ñdila ine ya vha uri yo luga i nn̄da *hafha*; fhasi ngomu *hafha* yo fa. “Ngauri uyo a funaho shango kana zwithu zwa shango, lufuno lwa Mudzimu a lu vhuyi lwa vha khae,” a hu londwi uri ndi wa vhurereli hani.

¹¹⁵ Sefo ya ngoho, nga iyo ñdila, i ðo—i ðo dzudza izwo zwithu nn̄da huno ya si dise tshithu nga nn̄da ha vhungoho ha Mudzimu, ïpfi, ngomu mibiluni ya vhukuma ya ngoho.

¹¹⁶ Vha fana na Esau, nga nn̄da vho luga. Esau o vha e wa vhurereli nga nn̄da. Huno musi zwi tshi da kha vhurereli, o vhonala e wa vhurereli lwo engedzeaho u fhira zwe Yakobo a vha e zwone. O vhonala e muthu wa khwine u fhira zwe Yakobo a vha e zwone, fhedzi nga ngomu hawe, zwe a vha e zwone. O vha e wa vhurereli nga nn̄da, fhedzi kuelekanyele kwave kwo vha ku songo sefiwa. Ho ngo elekanya nga ñdila yone nga ha vhutanzhe. Ho—ho ngo elekanya uri Mudzimu, vhutanzhe ho amba zwinzhi vhunga Mudzimu o ri ho ralo. O vha e hone heneffo, a ri, “N̄e ndi na ñðala, naa zwi ita phambano—de nga ha vhutanzhe ha kale? Inwi ni nga ði vha naho arali ni tshi vhu ðoda.” Yawee, nn̄enñe! Ni a vhona?

“Ndi ya tshivhidzoni; mñe ndi tou vha wavhuði sa inwi. Dinomineisheni yanga i tou vha sa . . . Mulandu, ndi inwe ya khulwanesa shangoni. Mme anga vho vha vhe khayo. Khotsi anga vho vha vhe khayo. Zwothe *izwi*, *izwo*, na *zwinwe*. Mufunzi wanga o vha o funzea; o wana *tshikenerenene*.” Izwo zwi mu vhea kule-kule na Mudzimu. Iyo a si sefo ya munna a elekanyaho.

Arali i tshi ðo ralo, naa Petro o vha a tshi ðo vha o vha hani zwe a vha e zwone, ngeno o kundelwa u saina dzina la ene mune? Fhedzi o vha o hwala Sefo ya munna a elekanyaho. Dzhielani nzhele. Yawee, nn̄enñe!

¹¹⁷ Esau o elekanya uri uvho vhutanzhe a ho ngo amba zwe Mudzimu a ri ho ralo. Iyo yo vha i phambano vhukati ha Vhutshilo na lufu. Huno ngauralo, vhunga Efa nahone vhunga Yudasi, vho rengisa vhutanzhe havho u itela u fushwa nga muthetshelo wa ndivho ya vhutshilotshedza. Izwo ndi zwone kokotolo zwe Efa a rengisela vhutanzhe hawe zwone. O vhu rengisa a tshi ḥoda muthetshelo muṭuku wa saints, muthetshelo muṭuku wa ndivho ya shango, tshivhidzo tsha khwine zwiṭuku, kilasi ya khwine zwiṭuku ya vhatu, ḥamusi yo vha i tshi ḥo vhidzwa. Ni a vhon?

Huno Yudasi o rengisa vhutanzhe hawe nga zwipida zwa maseṭha zwa furaru, huno a ita dolara dza nyengedzo dzi si gathi. “Tshivhidzo tshanga tshi nga kona u mmbadela vhukhwine hangeno, huno ndi ḥo tou rera hangeno.” Ni a vhon? “Ngauralo, arali nda vha mureri, zwo luga...”

¹¹⁸ Vha ri, “Mukomana Branham, ri tenda zwauri Mulaedza ndi Ngoho, fhedzi ri nga si kone u U ḥanganedza. Arali ro ralo, mulandu, naa ri ḥo rerafhi?” Huh! Shango, mukomana, afho ndi fhethu ha tshivhidzo na mufunzi. Zwa vhukuma. “Zwo ralo, a hu na na muthihi wa vharathu a no ḥo ntikedza.” A—a thi khou ḥoda na muthihi wa vharathu uri a ntikedze. Nne ndi khou ḥoda Yesu Kristo a tshi ntikedza, ngauri O ima Naṭo. Ndi Ene We a Li amba.

¹¹⁹ Huno musi vhutanzhe ha ngoho, Malofha, ho sefiwa nga Ipfi; huno tshivhi tshoṭhe, na shango, na tshivhidzo, na dzidinomineisheni, na vhukheluwi, zwo siwa nn̄da. Pfunzo, vhutshilotshedza, tshivhidzo, dinomineisheni, sisteme, tshivhi tsha tshaka dzoṭhe tshi tshi siwa nn̄da musi munna a elekanyaho a tshi dzhia Sefo ya munna a elekanyaho, nga mugaganyo wa Mudzimu.

¹²⁰ A hu na tshithu tsho salaho khazwo musi munna a tshi kokodza vhutshilo hawe—hawe nga kha Sefo ya Mudzimu; dzhielani nzhele, hafha vhutshilo hanu ho vha ho ḥapanyedza tshoṭhe nga tshivhi, ngauri inwi no “bebelwa tshivhini, na vhumbiwa vhutshinyini, na ḫa kha shango ni tshi amba mazwifhi.”

Nne ndi khou yo amba tshiñwe tshithu, vhunga Mukomana McCullough o vha a tshi anzela u amba. Nthetsheleseni.

¹²¹ Musi ni tshi ḫa shangoni ḥino, no bebelwa tshivhini. A no ngo vhuya na ḫa na tshikhala tsha u lwa. No “bebelwa tshivhini, na vhumbiwa vhutshinyini, na ḫa shangoni ni tshi khou amba mazwifhi,” ngomu-ngomu muyani wanu, lutamo lwa tshivhi, mufuni wa tshivhi ngauri no bebelwa tshivhini. A no ngo vha na tshikhala.

Fhedzi phasi ngomu hanu, huñwe fhethu, hafha ni a ḫa, ho vha hu na tshiñwe tshithu ngomu heneffo tshe tsha

thoma u kokodza. Arali no zwi divha, ho vha hu tshiñwe tshithu tshe tsha ni vhudza uri ho vha hu na Mudzimu huiwe fhethu; huno na vhala Ipfi Lawe. Zwenezwo na dzhia tshivhidzo, na dzhia mihumbulo yavho musi ni tshi vhudzwa zwa khwine, zwenezwo na kathihi a no ngo shumisa Sefo ya munna a elekanyaho. Fhedzi musi ni tshi shumisa Sefo ya Mudzimu, ine ya vha Sefo ya munna a elekanyaho, ngauri, “Dziñwe sefo dzoþhe dzi ðo lovha, fhedzi Yanga a i nga ðo ralo.” Huno musi inwi ni tshi dzhia Sefo ya Mudzimu huno na kokodza vhutshilo hañu, lutamo lwañu; arali ni tshi kokodza lutamo lwañu nga kha Sefo ya Mudzimu, Sefo ya munna a elekanyaho, a hu na tshithu tsho salaho nga nn̄da ha Muya Mukhethwa.

¹²² Zwino, arali ni tshi tðoda vhuñanzi ha Muya Mukhethwa, ngovho. Musi iyo mbilu yañu i tshi ðo tshimbidzana na Ipfi la Mudzimu, nga ndila dzoþhe, zwi a sumbedza uri no kokodza vhutshilo hañu nga kha Sefo ya munna a elekanyaho, Sefo ya Mudzimu.

¹²³ Dzhielani nzhele, naa iyo ndi Sefo ya Mudzimu? O ri, “Ro ñanzwiwa nga maði a Ipfi.”

Huno musi Mudzimu a tshi ñea Adamu na Efa Sefo, ngadeni ya Edeni, O ri, “Ni songo kokodzela tshiñwe tsha izwi ngomu heneffo.” Fhedzi Sañhane o phula buli Khaþo, a ri, “Oo, ndi zwiñtukunyana, zwi nga si vhaise.” Shotha ñithihi fhedzi, u fhira, ndi ñone ðoþhe le la dzhia u vhea lufu ngomu ha lushaka lwa muthu.

¹²⁴ Ndi zwenezwo fhedzi zwine zwa dzhia, muthetshelo muthihi fhedzi wa nikotini, zwenezwo a vha tsheeho.

¹²⁵ A hu na tshithu tsho salaho nga nn̄da ha Muya Mukhethwa.

¹²⁶ Huno zwenezwo izwo zwi sumbedza uri kha inwi ho vha hu na iyo mbeu yo tiwaho fhasi kha inwi, i no ni ita uri ni farwe nga ndala ya Mudzimu. “Vhoþhe vhe Khotsi a Nñea, a Nñea uri ndi rengulule; vho fa na Nñe ngei Khalivari; vho vuwa na Nñe kha myuwo; vhoþhe vhe A Nñea, vha ðo ða kha Nñe. Vha ðo vhewa Muvhilini, hune mulenzhe, tshanda, ningó, mulomo, tshiñwe na tshiñwe tshi re tshone; vha ðo vhewa ngomu Heneffo. Huno vha ðo ða kha Nñe nga khalañwaha dzavho.” Yawee, nn̄enñe!

¹²⁷ Hu na uho u sefiwa ha vhukuma ha tshivhi tshoþhe tsha shango, huno lufuno lwa shango lwo fa, huno iyi mbilu i khou kokodza tshithu tshithihi fhedzi. Ngetshi, ni songo... Elelwani! Ni songo tshi hangwa. Vho inwi noþhe ngeyo nn̄da kha thingo, vheani itshi fhasi thalukanyoni dzañu. Musi munna a elekanyaho a tshi thoma u elekanya uri ndi Nnyi ake a khou yo ima phanda hawe, na zwine Ipfi la Mudzimu la vha zwone;

musi a tshi thoma u elekanya, zwenezwo musi a tshi kokodza nga kha Hejo, a hu na tshine tshi nga swika khayo nga nn̄da ha Muya Mukhethwa.

Naa ndi mini? Ndi kutshili, Ipfi la mbeu u bva u rangani, ya uri no vha ni kha Mudzimu u rangani, no ima hafha ni tshi khou kokodza Vhutshilo ha mbeu. Mbeu i mbiluni yanu, nga u dzula no tiwa. Hałęluya! Mbeu yo no di vha ngomu heneffo, nga u dzula ha Mudzimu o ḋivha, yo tiwa. Huno musi i tshi kokodza, i nga si kokodze nga kha tshińwe tshithu-vho nga nn̄da ha Ipfi.

Huno zwenezwo ndi muthetshelo wa munna a elekanyaho, munna o lugaho, munna mukhethwa a no vhona Bivhili, zwauri Yesu Kristo ha shanduki mulovha na lini na lini. Naa ndi mini tshi no da ngomu afho fhethu phasi heneffo? Ilo Ipfi, li re mbiluni. “Ndo dzumba Ipfi Łau mbiluni yanga, uri ndi songo U tshinyela.”

Naa ndi mini, musi i tshi khou kokodza nga kha Ipfi? Hu na tshithu tshithihi fhedzi tshi no do fhira nga kha Ipfi; itsho ndi Muya Mukhethwa. Itshe ndi tshone tshithu fhedzi tshine tshi nga kona u fhira nga kha Ipfi, ndi Muya Mukhethwa. Huno Sefo ya munna a elekanyaho i nea munna mukhethwa muthetshelo.

¹²⁸ Zwenezwo, o thetshela zwithu zwa Tađulu; u na Ipfi la Mudzimu mbiluni yawe. U a Li vhona li tshi vhonadzwa phanda hawe, huno mbilu yawe yothe yo putelwa ngomu Halo, huno shango na zwithu zwothe zwe fa u mona nae.

¹²⁹ Sefo ya munna a elekanyaho, ya vhurereli; huno nne ndi khou elekanya nga ha u sefa vhurereli zwino. Musi Sefo ya munna a elekanyaho i tshi nea muthetshelo wa munna mukhethwa, ni a vhona, I fusha muthetshelo wawe. U a vhona zwauri Yesu Kristo ha shanduki mulovha, namusi, na lini na lini. Ngeyoo. Ri a Mu vhona heneffha phanda hashu, a tshi khou ita zwithu zwithihi zwe A ita; zwi fusha muthetshelo wa munna mukhethwa, kuelekanye kwawe.

¹³⁰ U a zwi ḋivha-ha zwauri o bva lufuni a ya Vhutshiloni. Huno u funa, huno—huno—huno u funa hawe shango...uri hu khwathiswe, huno u ḫoda Ipfi li tshi khwathiswe nahone la khwathisedzwa. Kha tshikhathi tshińwe na tshińwe u a Li lindela, ngauri ndi munna mukhethwa nahone u na lutamo lwa u vhona Mudzimu. Vhańwe vha ḫoda fhedzi u vha mirado ya tshivhidzo. Uyu munna u ḫoda u vhona Mudzimu. Ha Mu vhoni kha tshivhalonyana tsha dzindaela. Ha Mu vhoni kha ḫanga khulu dzavhudzi, kana dzikereke khulu, na zwifhambano zwi re ḫtha, kana zwikola zwe pholishwaho zwi na kholoro dzazwo dzo moniswaho. Ha Mu vhoni kha theolodzhi na kha ratheolodzhi. U Mu vhona kha u khwathiswe ha Ipfi Ławie.

Ndo Mu vhona kha mililo ya u linda Yało.
 Maṭo anga o vhona vhugala ha u ḍa ha
 Murena;
 U khou kandekanya tshibveledzwa tshine
 ndirivhe dza mbiti dza vhulungwa;
 O vhofholola lupenyo lu haṭulaho nga banga
 li tavhanyaho ḥawe li shavhisaho;
 Ngoho Yawe i dzulela u matsha. (I ḫo ralo, u
 swika magumoni. Ee, muṇe wanga.)

¹³¹ Ni a vhona zwine nda khou amba? Sefo, munna... Kana, Sefo ya munna a elekanyaho; munna a no ḫoda u ima Vhuhoneni ha Mudzimu. Naa Sefo ya Mudzimu yo vha i mini? Ipfi ḥawe. “Duvha ḥine na u ḥa, ḫlo ḫuvha ni a fa.” A thi londi zwine zwa khou bvelela ngeno nn̄da; ni songo pfuka ḫlo Ipfi. “Ro ḫanzwiwa nga mađi a Ipfi,” Sefo ya munna a elekanyaho. Hu si dinomineisheni, hu si ndaela, hu si tshivhidzo, hu si kereke khulu; fhedzi Sefo ya munna a elekanyaho, ngauri ni khou yo haṭulwa nga Ipfi. Munna a elekanyaho u ḫo elekanya hezwo. Munna wa tsilu, kana muthetshelo wa shango, u ḫo sokou dzhia tshiñwe na tshiñwe, tshiimela. Ndi ngani ni tshi ita tshiimela ngeno hu na Tsha vhukuma?

¹³² Elekanyani, itonu zwi elekanya lwa muniti. Musadzi a tshi khou amba nga dzindimi, e na mavhudzi o fhungudzelwaho huno o shumisa tshiłodzamilomo, huno zwenezwo tshivhidzo tshi kha di vha tsho zwi farelela, zwauri uvho ndi vhuṭanzi ha Muya Mukhethwa.

¹³³ Kana mureri a bvaho vhufunzini kana kha tshiñwe tshikolo tsha Bivhili, a tshi khou shumisa ndovhedzo ya vhuraruthihi, kana a tshi khou leludza Ipfi, u ya kha iñwe ndaela kana dinomineisheni. Naa iyo ndi yone Sefo ya munna a elekanyaho? Hu si nga ndila ine nda zwi vhona ngayo, mukomana. Ndi munna wa tsilu a no khou kokodza nga kha heyo. Izwo ndi zwone. Naa ni nga humbulela izwo? Vhudzuloni ha u shumisa Ipfi ḥa Mudzimu sa Sefo ya mbilu yawe; a tshi tendela iyo ndaela ya kale na dinomineisheni zwi tshi ḫophekana nga ngomu n̄ha hawe nga u ralo, vhudzuloni ha u dzhia Ipfi ḥa Mudzimu uri li vhe Sefo. Huno zwenezwo o tshikafhadzwa tshoṭhe, huno a vha tendela vha tshi panga ngomu hawe pfunzo dza muthu, vha tshi khou ita zwithu, “kaṭukuṭuku hu tshi ḫodou fhurwa vhenevho Vhanangwa,” huno a tshi khou litshedzela Ipfi.

Ngeno, a tshi nga kona u kokodzela kha mbilu ya ene muṇe, arali hu na tshiñwe tshithu ngomu heneffo tsha u kokodza ngatsho. Fhedzi arali iyo mbeu yo tiwaho... Izwi ni songo zwi pfela thungo. Arali iyo mbeu yo tiwaho i siho ngomu heneffo, i nga si kokodze nga kha Heneffo, ngauri i ḫo kokodzela lutamo lwayo.

¹³⁴ Arali munna a dahaho a tshi ḥoda muthetshelo wa munna a dahaho, nahone arali o fara lubaḍa... Ndi ri, "Mamani munwe waṇu," huno a ima heneffo a tshi khou mama munwe wawe. [Mukomana Branham u mama munwe wawe, u fanyisa—Mudz.]

¹³⁵ Mulandu, u ḥo ri, "Izwo ndi zwa vhutsilu." Ndi ngani? Muthetshelo wawe ndi wa nikotini. Ngauralo, a si munna a elekanyaho. Ni a vhona? Fhedzi inwi ni ri, "Zwo luga, a thi, ndi nga si ḥo thetshela tshithu. Ndi ḥoda u thetshela yone... Ndi ḥoda u thetshela fola. A thi thetsheli tshithu."

¹³⁶ Mu neeni phini ya zwiambaro huno ni ri a i mame. Ni a vhona? Ngoho, i ri ni a i mame. U ri, "A thi thetsheli tshithu." Naa ni khou i mamelani, zwenezwo? Ni na lutamo lwa u thetshela nikotini.

Huno musi ni tshi khou mama ndaela ya tshivhidzo, huno vhoiwi vhasadzi na vha ni kha ḫi ambara mavhudzi o fhungudzelwaho, zwifhaṭuwo zwo penndwaho, nahone no ambara lwa vhudzekani; huno vhoiwi vhanna na vha sedza, na izwi zwiinwe zwithu zweṭhe, huno na bvela phanda nga ndila ine na ita. Naa ndi mini? Naa hu na mini ngomu heneffo? Shango ḫi kha ḫi vha ngomu heneffo, huno ni na muthetshelo. Ni khou ḫi kokodza u itela muthetshelo.

¹³⁷ "Ndi ya kha *itshi* tshivhidzo; na kathihi a vha buli itsho tshithu. A vha ambi tshithu nga ha *itshi*, tshithu nga ha *itsho*. A hu na na tshithu na tshithihi tsha izwi zwithu tshi no diswa. Mureri washu o ḫandavhuwa ḫhalukanyo lwo engedzeaho u fhira hezwo. A ri ambi zwithu zwi no nga hezwo." Naa ndi mini? Ni na muthetshelo wa shango une na khou u mama. Ndi zwone!

¹³⁸ Fhedzi musadzi a elekanyaho a nga si dzhie tshithu tsha ulwo lushaka. U a zwi divha zwauri u tea u vha mukhethwa. Huno tshithu fhedzi tshine ni nga kona u kokodza nga kha Ipfi la Mudzimu ndi Muya, Maanda a hanyisaho a u ita Ipfi Lone ḫine, ḫi re kha inwi, la tshila u vhonadza Yesu Kristo kha tshikhathhi tshine na khou tshila khatscho. Haleluya! Mukomana, arali iyo i si Ngoho, a thi divhi zwine Ngoho ya vha zwone. Ndo xelewla nga ḫhalukanyo yanga arali iyo i si Ngoho.

¹³⁹ Ndi Ipfi Lone ḫine mbiluni yanu, ḫo telwaho heneffo, ḫi no khou kokodza. Huno i pfela nn̄da ḫilo shango; a i ḫi ḫodi. Fhedzi musi i tshi swika nga hangeno kha Ipfi, i thoma u kokodza. Huno musi i tshi kokodza nga kha Ipfi, hu nga si vhe tshiñwe tshithu-vho nga nn̄da ha Muya Mukhethwa u hanyisa ḫilo Ipfi.

¹⁴⁰ Zwenezwo Sefo ya munna a elekanyaho, wa vhurereli ndi Ipfi, huno i fusha uyo muthetshelo mukhethwa u re mbiluni yawe; sefo ya munna a elekanyaho, muthetshelo wa munna mukhethwa. Yawee, nñenñe, tshe ra dzhena ngomu hatsho!

¹⁴¹ Vhudzuloni ha u shumisa Sefo ya Mudzimu u itela mbilu yawe, u khou tendela Sathane a tshi mu fhura nga inwe dinomineisheni kana ndaela, u tou fana kokotolo na

khamphani dla fola dzi tshi khou fhura vho inwi vhatu vha no daha dzisigarete. Ni wana fhedzi mirado yo engedzeaho, huno ndi zwenezwo fhedzi.

Oo, i ri ni ndi vale nga miniti i si gathi, ndi tshi khou amba hezwi.

¹⁴² Laodikea yo pofulaho! Nga ndila ine ri nga pofula! Laodikea yo pofulaho, u ranga phanda ha mabofu a tshino tshikhathi, fhasi ha u hoyha ha khole-khole, fhasi ha ndaela dla khole-khole, fhasi ha dogima dla re dla khole-khole, fhasi ha dinomineisheni i re ya khole-khole, fhasi ha bugu dla ndaela dla re dla khole-khole. Oo, Laodikea yo pofulaho, u tshi ranga phanda mabofu, nothe no livha museleni!

¹⁴³ Tshintshani sefo yanu madekwana a namusi, mureri. Ni songo kokodzela iyo nikotini ya dinomineisheni ngomu ha sisteme yanu, ya dzidogima na dzindaela, zwe Yesu a ri, “Ane a do engedza nga ipfi lithihi Khało, kana a tusa Ipfi lithihi Khało.” Musi ni tshi vhudza tshivhidzo tshańu uri zwo luga avho vhasadzi vha tshi ita *itsho*, na avho vhanna vha tshi ita *itsho*, na izwi zwithu zwithe, *itsho* na *tshinwe*; tenda vha tshi dzula vhe kha ngoho kha *itshi* huno vha ita *itsho*, huno vha vhulunga idzi ndaela na zwithu, naa a ni dishoneli?

“Vhafarisei vho pofulaho,” Yesu o amba.

¹⁴⁴ Huno vhunga Yesu o vhidzelela, “Vhafarisei vho pofulaho,” Muya Mukhethwa mbiluni yanga madekwana a namusi u a vhidzelela, “Laodikea yo pofulaho! Ndi kangana Mudzimu a tshi do vha o u nea mvuseledzo! Fhedzi zwino tshifhinga tshau tsho swika; tshifhinga tsho no tuwesa zwino. Nga ndila ye wa sea nahone wa tamba nga vhatu vhe Mudzimu a vha rumha kha iwe! Fhedzi zwino tshifhinga tshau tsho swika. Oo, United States, United States, nga ndila ye Mudzimu a do vha o u kuvhatedza sa pha—phambo i tshi ralo khukhwana dzayo, fhedzi iwe wa sa fune.” Zwino ili Ippi li khou bva kha khunzikunzi u ya kha khunzikunzi, u bva devhula u ya tshipembe, na vhubvaduvha u ya vhukovhela. Nga ndila ye Mudzimu a do vha o u kuvhatedza, fhedzi iwe wa sa fune! Zwino tshifhinga tshau tsho swika.

¹⁴⁵ Tshaka dzi khou kwashekana. Shango li khou vha zwipiда. Tshipida tshaļo tsha maela dla gidiđathanu, maela dla ḳararu kana dla daina nga vhuphara, tshi do nupela, dana...kana khamusi maela dla fuina u tsa fhasi ngomu ha uyo mutwe muhulwane hangei nnđa, nga lińwe la aya maduvha, huno magabelo a do thuntsha thwii nnđa u ya kha shango la Kentucky. Huno musi zwi tshi ralo, zwi do dzinginyisa shango nga maanda lune tshińwe na tshińwe tshi re n̄ha halo tsha do dzinginyea tsha wa.

¹⁴⁶ Oo, nndzumbe kha Tombo la zwikhathi! Mudzimu, ntendele, ntendele. Femela kha nne, Murena. Muya wa

Mudzimu a tshilaho, femela kha nne. I ri ndi dzhie Sefo ya Mudzimu huno ndi tshile fhasi Hayo, Murena. I ri ndi feme maya muswa wa Muya Mukhethwa ngomu mafhafhuni anga, mbiluni yanga ḋuvha līnwe na līnwe, uri ndi songo U tshinyela, Oo Murena. Femela kha nne, Muya Mukhethwa, femela kha nne! Ndi...

¹⁴⁷ I ri ndi ṭavhe Ipfi la Mudzimu mbiluni yanga, huno nda diimisela henefho uri ndi nga si rembulutshele kha tshanda tsha u la kana kha tshanda tsha monde, kule Hālo, fhedzi ndi do tshila nga ngoho Khālo mađuvha othe a vhutshilo hanga. Oo Khotsi Mudzimu, zwenezwo ruma fhasi kha nne Muya Mukhethwa wa Vhutshilo, u hanyisa ayo Maipfi kha nne, uri ndi kone u vhonadza Yesu Kristo phanda ha avho vha re phanda hanga, vha no zwi ṭoda uri zwi bvelele. Iyo ndi thabelo yanga.

¹⁴⁸ Yawee, nnenne! Dzhielani nzhele ndila ine vha ita namusi kha izwo zwivhidzo. Vha khou mamisa vhathe nga kha idzo sefo dza dinomineisheni, ngomu ha khoro ya u vhuedzanya. Ndi ngani? Ndi ngani? Ngauri i vha nea lutamo lwa mbilu dzavho, dzangano. Vha na muthetshelo wa dzangano. Vha do zwi ita.

¹⁴⁹ Tshifhinga tshiñwe na tshiñwe Mudzimu a tshi vha rumela mvuseledzo, huno, vhone, vha do itani? Vha a i dzudzanya. Naa izwo ndi zwone? Ngauralo vha na sefo ya lushaka lwavho, ngauri vha na muthetshelo muhulwane. Huno zwino Mudzimu u khou yo vha nea lutamo lwavho lwa muthetshelo wavho. U khou yo vha nea...Vha khou vha mamisela henefho ngomu ha khoro ya u vhuedzanya, huno zwenezwo vha wana muthetshelo wa dzangano ḥavho-ha. Vha nayo i khou da.

¹⁵⁰ Oo, tshivhidzo tsha Laodikea, u songo fhuriwa kha tshino tshikhathi, nga vhufhura havho. Oo, Pentekoste, iwe we wa ya ngomu Laodikea, iwe u re tshipida tsha Laodikea, tshivhidzo tsho fa; nga kha Methodisi, Baphuthisi, na Puresbiterieni, itou vha tshivhumbeo tsha nyitelatherelo. Fhedzi vhoinwi Vhapentekostała vhane ni kha di kona uri luthihi nga tshifhinganyana u ri "amene"; vhane na kona u lidza muzika munzhi ntha ha pulatifomo, huno na vha na vhasadzi vho fhungudzelaho mavhudzi vha tshi khou tshina fhethu afho hothe, huno na di tenda kha phodzo ya Muya; ndi kangana Mudzimu a tshi do vha o ni dzhia, fhedzi no dzhia inwe sefo, sefo ya dinomineisheni. Ndi kangana Mudzimu a tshi do vha o ni dzhia!

¹⁵¹ Nga ndila ye zwa vha zwi tshi khou fhura! Mateo 24:24, Yesu o amba zwauri yone... "I do fhura vhenevho Vhanangiwa arali zwo vha zwi tshi konadzea." Nga ndila ine na vha tsini, u tou fana na Efa, a tshi sia tshithihi kana zwithu zwivhili zwiłuku zwine inwi ni sa do zwi ḫanganedza, ngauri no dzudzanye a huno ni nga si Li ḫanganedze. Zwi dzhia zwenezwo fhedzi. Ndi zwavhuđi u dzhia tshithu tshođhe, "Ngauri u khukhulisa kha zwiłukułuku, ndi u vha na mulandu wa zwođhe." Oo!

¹⁵² Pentekoste, Pentekoste, fhirisa kuelekanyelete kwau nga kha Sefo ya Mudzimu, hu si miloro ya dinomineisheni yau, huno u do bva u na muthetshelo wa munna mukhethwa, ndovhedzo ya ngoho ya Muya Mukhethwa.

¹⁵³ Naa ni nga kona u humbulela munna a tshi tendela mufumakadzi wawe u tunya mavhudzi awe, a ambara dzishothi, kana a ambara zwiłeke, huno a ri ene u khou da nga kha Sefo ya munna a elekanyaho? Naa ni nga kona u humbulela munna a tshi ita tshithu tsha u ralo?

¹⁵⁴ Naa ni nga kona u humbulela mureri o ima kha phuluphithe, ngauri a tshi badelwa zwavhuđi nga tshivhidzo tshi no mu phaphatha mułanani, tsha mu vhidza, "Dokotela, Mukomana, Vhafunzi," huno a iswa nnđa kha tshaka dzothe dza zwimima hune vha tambo vho vangana, na tshiñwe na tshiñwe-vho, na kha dzibitshi; naa ni nga humbulela munna a no amba uri u khou da nga kha Sefo ya munna a elekanyaho?

¹⁵⁵ Huno vhañwe vha avho vhasadzi vha re kha pulatifomo, vhe na rokho dzavho nga n̄tha ha magona avho, huno dzo tumulwa nga ndila i pataho nga maanda nahone dzi tshi sumbedza tshivhumbeo tshiñwe na tshiñwe, mutshimbilo muñwe na muñwe une vha ita, huno zwiñambaro zwavho zwa nga ngomu zwi tshi vhonala nga kha rokho dzavho; zwo tou vñifha u fana na u ambara dzishothi, dzibikini, kana tshiñwe tshithu-vho. Vhoinwi vha Pentekoste, no populaho, vhareri vha Laodikea, Mudzimu u do ni kondëlela tshifhinga tshingafhani, a thi divhì. Ivha... Mudzimu kha khathutshèle mađo aŋu—aŋu o populaho. U na mushonga wa mađo madekwana a ñamusi, u vula mađo aŋu, uri ni kone u vhona.

¹⁵⁶ Vhunga ndo amba matsheloni a ñamusi, ri kha tshikhathi tsha u vhona, thodzini. A hu tshe na vñukoni ho engedzeaho u fhira uvho, lune ni nga kona u bvela nnđa, u ñivha. Inwi, nga ningó yanu, ni kona u nukhedza; nga milomo yanu, ni kona u amba; nga zwanđa zwanu, ni kona u pfa na swikelela; na milenzhe yanu, na zwiñwe-vho; fhedzi ni nga si kone u ya nga phanda ha mađo aŋu.

¹⁵⁷ Maleaxi 4 o da; u vhona! "Huno hu do vha Tshedza tshifhingani tsha nga madekwana." Oo, tshimbilani Tshedzani!

Ri do tshimbila Tshedzani, Tshedza tsho
nakaho,
Tshi no da hune mashotha a ñwando a
khathutshelo a penya;
Penya hothe u mona na nñe masiari na
vhusiku,
Yesu, Ipfi, Tshedza tsha shango.

¹⁵⁸ Ee, muñe wanga. Fhirani nga Khayo, oo, mukomana, huno ni do bva ni na muthetshelo wa munna mukhethwa, na Muya Mukhethwa.

¹⁵⁹ Oo, musadzi, itonu fhirisa kuelekanye kwaṇu kwa musalauno kwa rokho. Fhirisani kuelekanye kwaṇu kwa musalauno, ni sa athu bva na ya tshiṭaraṭani phanda ha munna; vhoiñwi vhasadzi vhaswa, vhoiñwi vhasadzi vha kale, ni sa athu bva na ya tshiṭaraṭani ni na zwiambaro zwaṇu zwi pataho nga maandā, zwo kokodzeela nn̄da nga murahu na nga phanda. Nne a thi khou sasaladza. Nne ndi khaladzi anu. Ndi ima vhukati ha vha tshilaho na vho faho, nahone ndi a limuha zwine nda khou amba. Ni sa athu dzhena nn̄da, huno ni tshi zwi ḫivha uri muvhili waṇu ndi tshivhumbeo tsho khetheaho, kana mudzio wo khetheaho we Mudzimu a ni ɳea; ni sa athu dzhena tshiṭaraṭani, no ambara nga u ralo, fhirisani ḫalukanyo yanu nga kha Sefo ya musadzi a elekanyaho. Huno ni ri i elelwe, uri, “Ane a ni sedza uri a ni emule, inwi no no di ita vhupombwe nae.” Elelwani izwo, khaladzi.

¹⁶⁰ Huno, mukomana, ni sa athu rembulusa thoho yanu uri ni mu sedze, nga u sedza uho ha vhuvhili, fhirisani ḫalukanyo yanu nga kha Sefo ya munna a elekanyaho. Ni do bva ni na muthetshelo wa munna mukhethwa, ni a vhona, wa u ita zwo lugaho.

¹⁶¹ Dzhielani nzhele, arali na fhirisa ḫalukanyo yanu nga kha Sefo ya musadzi a elekanyaho, ni do bva ni na rokho ya musadzi mukhethwa. Izwo ndi zwone. Ni do bva, mukomana, ni na kusedzele kwa munna mukhethwa. Zwino, itsho tshi tou vha tshithu tshithihi.

Tshiñwe na tshiñwe tshire na ita, tshi fhiriseni nga kha Sefo ya Ipfi la Mudzimu, ni vhone arali tsho luga kana tsho khakhea.

¹⁶² Ni do bva ni na rokho ya musadzi mukhethwa, ni na mavhudzi malapfu, no ambara nga ndila i ḫonifheaho; maya wo fhumulaho, u ḫitukufhadzaho; hu si u ya ɳtha na u ita phosho, na u lwa na u bvela phanda. “Muya wo fhumulaho, wa vhulenda, une wa vha lupfumo luhulwane lu bvaho ha Mudzimu.” Bivhili yo amba nga u ralo.

Zwino ndi ṭodou ni vhudzisa tshiñwe tshithu, nn̄da mashangoni. Ri khou yo vala nga miniti i si gathi.

¹⁶³ Zwino riñe rothe, madekwana a ɳamusi, kha ri ṭole lutamo lwashu, huno zwenezwo ni nga kona u vhona uri sefo ye na vha ni tshi khou kokodza nga khayo ndi ya lushaka-de. Kha ri tole, muñwe na muñwe washu, fhano na nn̄da kha lushaka lwothe. Tolani lutamo lwaṇu, zwine zwa vhukuma na zwi ṭoda vhutshiloni. Tolani zwine na khou lwela zwone. Tolani zwe na ḫela zwone fhano. Tolani zwine na yela zwone tshivhidzoni. Zwine zwa ni ita... Ndi zwavhudi u ya tshivhidzoni, fhedzi ni songo tou ya tshivhidzoni fhedzi; izwo a zwi nga do ni tshidza. Ni a vhona? Itonu ṭola lwa miniti i si gathi fhedzi, ni ri, “Naa ndivho yanga... Naa—naa ndi khou kokodza nga kha sefo ya lushaka-de, naho zwo ralo?”

Huno arali ni sa do andana na Ipfi la Mudzimu, nahone mbilu yanu i sa zwi iti, zwenezwo hu na tshiñwe tshithu tsho khakheaho; ngauri zwi sumbedza muthetshelo wañu, uri vhutshilo...vhutshilo vhu re kha inwi ndi ha lushaka-de. Arali vhu vhukhethwa, vhu si na vhuada, vhu huliseaho, vhu do bva nga iyo ndila. Arali vhu songo ralo, ni na muñwe muthetshelo kha inwi une na khou kokodza khawo. Izwo ndi zwone kokotolo.

Huno arali muthetshelo u Ipfi la Mudzimu na lufuno lwa Mudzimu, zwenezwo ni a divha tshi re kha inwi, tshi no khou kokodza muthetshelo. Zwi sumbedza uri ni tshipida tsha ilo Ipfi. Illo Ipfi li kha inwi, li tshi khou kokodza kha Ipfi.

¹⁶⁴ Naa Li khou kokodzani? Li khou kokodza nga kha Ipfi, ngauri ni tshipida tsha Muvhili wa Kristo wa tshino tshikhathi. Huno arali ilo Ipfi li kha inwi, Li nga kona fhedzi u kokodza nga kha Ipfi, Muya u no hanyisa ilo Ipfi li re kha inwi. Ipfi fhedzi li lothe li nga si tshire. Itsho ndi tshone tshiitisi, “Vhothe vhe Khotsi a Nnea vha do da kha Nne; huno arali Nda takuelwa nthia, Ndi do kokodzela vhatu vhothe kha Nne.” Ni a vhona? Ni a vhona, “Khotsi,” tshipida tsha Muvhili wa Kristo u re shangoni, tsho tiwaho, tsho dzeniswaho mibiluni.

¹⁶⁵ Munna muñwe na muñwe a re Mukriste wa vhukuma, o bebwaho hafhu ñamusi, u a divha, u bva a tshee ñwana muñku, kana musidzana muñku, muñwe wavho, uri ho vha hu na tshiñwe tshithu kha inwi tshe tsha vha tshi na ndala ya Mudzimu. Huno no lingedza u vha murado wa zwivhidzo na tshiñwe na tshiñwe-who; zwa si shume. Naa ho vha hu mini? Ho vha hu ilo Ipfi. Inwi no vha ni tshi khou zwima Sefo. Huno linwe ñuvha Yo taidza phanda hanu; no vhona Yesu Kristo a sa shanduki mulovha, ñamusi, na lini na lini. Izwo two fusha muthetshelo. Ni a vhona?

Ngauri, vhutshilo ho vha vhu kha inwi, vhu tshi khou kokodza. Ni a vhona, vhutshilo vhu re kha inwi vhu khou kokodza. Vhu—vhu khou amba uri ni na lutamo-de hafha. Ni khou kokodza. Ni nga si kone u kokodza nga kha *itshi*, na *itsho*, na *tshiñwe*. Ni tea u wana iyo Sefo i re yone, ngauri ni muthu a elekanyaho. Ni a vhona?

¹⁶⁶ Arali ni muthu a elekanyaho, no tiwa, kana no sefiwa hu sa athu... u bva hu sa athu tehwa shango.

¹⁶⁷ Huno arali mushumeli wa dinomineisheni a tshi pfa izwi, ndi fhulufhela uri u dzhia Sefo ya munna a elekanyaho, arali e mushumeli wa dinomineisheni. Zwenezwo u do posela fhasi iyo paka ya dinomineisheni ine nga ngoho ya khou yo lovha, ngauri ndi ipfi la muthu; huno a tanganedza Ipfi lo sefiwaho la Mudzimu line li nga si kone u kundelwa kana u lovha, huno Li do fanela muthetshelo wa munna mukhethwa. Huno, vhunga Yakobo, u do naledza shango lothe na lutamo lwa

dinomineisheni iñwe na iñwe kana bvumo, line la vha hone shangoni, hune ni nga vha mubishopo, mukhadinala, arali ni tshi nga kona u vha tshifhe wa muvhuso, kana mufunzi wa tshiñwe tshivhidzo tshihulwane. Ni ño naledza tshiñwe na tshiñwe tshi re hone. Hu si vhunga Esau, u vha tshipiña tsha shango; fhedzi vhunga Yakobo, ni ño nekedza tshiñwe na tshiñwe tshine na vha natsho u wana vhütanzhe, Sefo ya munna a elekanyaho; ngauri I ño ni ñea muthetshelo wa munna mukhethwa. Huno I ño fusha. Huno i ño fusha, huno i ño khethethfadza nga muthetshelo wa U Ya Ngä Hu Sa Fheli wa vhuvhuya vhukhethwa ha Mudzimu.

¹⁶⁸ Elelwani, Sathane o phula buli la u thoma nga kha thalukanyo ya Efa, kana kuelekanyeñe kwawe, u tendela muthetshelo wa vhüñali hawe na ndivho u fhira.

¹⁶⁹ Zwino elekanyani nga ha izwi. Ndi khou vala. Sathane o phula buli la u thoma, ngauri zwothe zwe wa musadzi a vha a tshi nga kokodza zwo vha zwi Ipfi. Uyo wo vha u Muya nga kha Ipfi la Mudzimu, ngauri o ri, “Samusi ni tshi fema nga kha iyi Sefo, na kathihi ni nga si fe; fhedzi arali ni tshi bvisela nnđa mufemo wa iyi *hafha*, ni ño fa.” Ni a vhona?

¹⁷⁰ Huno Sathane a ri, “Fhedzi a u divhi tshithu *hafha*. Fhedzi u dzhia muthetshelo muñuku wa iyi *hafha*, huno zwenezwo u ño divha; u ño nga Mudzimu. U a vhona, U ñivha tsho lugaho na tsho khakheaho; iwe a u ralo. Huno arali u tshi ño tou dzhia muthetshelo muñuku wa *itshi*.” Huno a mu tendela u phula buli khatsho, buli lìthihi lìtuku fhedzi.

¹⁷¹ Zwino inwi ni a vhona uri ndi ngani ndi tshi ri... Inwi ni ri, “Ndi ngani ni sa funzi vhasadzi, na vhanwe-vho, ndila ya u tanganedza zwifhiwa na zwithu zwa u ralo?”

¹⁷² Nda ri, “Naa ni nga vha funza hani aligebra ngeno vha si nga vhuyi vha guda ABC dzavho?”

Buli lìthihi lìtuku ndi zwothe zwe zwa dzhia. O dzhia vhüñali ha shango, nahone, musi o ralo, zwa vhea lufu kha muña woþe, u tshi ñoda u thetshela vhüñali.

¹⁷³ Zwino sedzani sefo, huno zwa vhukuma yo bvisela khagala muthetshelo wa wa musadzi. Muthetshelo wawe wo vha u wa shango; itsho ndi tshe a tshi wana. Izwo ndi zwine zwa vha zwone ñamusi. Vha funa shango na zwithu zwa shango, vhe na tshifanyiso tsha u nga vha ofha Mudzimu, fhedzi Maanda aho vha tshi a hana. Ni a vhona, Sathane u ño vha tendela u amba nga dzindimi; u ño vha tendela u tavha mukosi; u ño vha tendela u vha na tshumelo dza phodzo ya Muya; u ño vha tendela u ita idzi tshaka dzoþe dza zwithu.

¹⁷⁴ U ri, “Vhanzhi vha ño ña kha Nñe nga iilo ñuvha, nahone, ‘Murena, naa a tho ngo pandela vhodiabolo, naa a tho ngo ita zwithu zwinzhi, nda ita *itshi*?’” U ño ri, “A tho ngo vhuya

nda ni ḋivha, inwi mudzia-vhutshinyi.” Musi Ipfi lo vha lo vhewa heneffo phanḍa haṇu huno inwi na di mama iyo sefo ya kale ya shango, ni a vhona, zwi sumbedza muthetshelo we wa vha u mbiluni.

¹⁷⁵ Maihva ha koni u la ḥama yo sinaho. Ha koni u i la. Ha na tshavhuṭungu. Funguvhu li a kona u la mbeu vhunga liiivha nahone li kona u la ḥama yo sinaho vhunga funguvhu, ni a vhona, ngauri ndi muhoi. Fhedzi liiivha a lo ngo fhaṭiwa vhunga tshiñwe tshinoni-vho, huno ndi ngazwo Mudzimu o Ḍiimela vhunga Liivha li tshi tsa li tshi bva ṭadulu. Ni a vhona? A li koni—a li koni u kondelela munukho wa ḥama yo sinaho. A si liang; tshi itisaho, ndi uri a li na tshavhuṭungu. Lo kundelwa u i sukanya. Yo vha i tshi ḫo li vhulaha, arali la i la.

Huno liiivha na kathihi a li tei u ṭamba muvhili. Muvhili wa liiivha u bvisa mapfura a tshi bva nga ngomu, ane a ita uri li dzule lo kuna. Ndi vhutshilo vhu re kha liiivha; li bveledza ngomu halo mapfura a no ita uri mithenga i dzule yo kuna. Huno o tou ralo Mukriste; hu na Vhutshilo ngomu havho vhune ha ita uri vha dzule vho kuna. Vhu a sefiwa.

¹⁷⁶ Oo, dzhielani nzhele! Zwino sedzani khae...kha sefo, huno zwa vhukuma ni nga kona u vhona muthetshelo wavho, wa zwine vha khou ita ḥamusi.

¹⁷⁷ Sedzani tshivhidzo tsha musalauno. Sedzani sefo yavho. Ni nga kona u vhona zwine vha funa. Vhonani zwe vha wana. Lufuno, naa vha funa mini? Mufumakadzana Laodikea o livhaho kha Khatulo ya Mudzimu. Izwo ndi zwone. Lufuno, lufuno lwa tshivhidzo namusi ndi lwa Laodikea, dzangano lihulwane, mbekanyo khulwane, tshithu tshihulwane, tshi takalelwaho, vhatu vho ambaraho nga n̄dila mmbuya, vho funzeaho zwa n̄ha, vho ḫalah vhuṭali, vho ḫalah diabolo, fhasi ha vhufhura ha tshivhidzo tsha Kristo. Hu na ipfi lithihi fhedzi li no tea u vha ngomu heneffo, “mulwanaKristo.” Ngauri, tshiñwe na tshiñwe tshe Kristo a funza, vha lwa kaṭukuṭuku na tshiñwe na tsiñwe; ndi zwone, lwo eḍanaho uri vha nga ḋivhidza zwenezwo.

¹⁷⁸ Zwino arali ni vhatu vha elekanyaho madekwana a ḥamusi, fhano na nnda shangoni hune Mulaedza wa khou ya hone, lutamo lwanu lu do vha muthetshelo wa Bivhili, hu si muthetshelo wa dinomineisheni, ngauri ni do haṭulwa nga yeneyo Bivhili, Ipfi line nne nda khou ni humbela u sefa mbilu yanu nga khayo. Huno u landula Ipfi lithihi Layo, huno na si tendele mbilu yanu u fhira nga kha ilo Ipfi lithihi, ni ḫo thudzelwa kule. “Ngauri muthu a nga si tshire, feme, nga tshinnkwa fhedzi, fhedzi nga Ipfi linwe na linwe li no bva mulomoni wa Mudzimu.”

¹⁷⁹ Li do ñiswa ngomu hanu, no tiwa. Huno musi Murena a tshi femela kha inwi, Muya Wawe u do hanyisa ilo Ipfi la vha vhukuma, huno ni do vhaba zwauri Yesu Kristo ndi a sa shanduki mulovha, ñamusi, na lini na lini. Yawee, nnenñe!

¹⁸⁰ Tutshelani dinomineisheni ya shango, paka ya vhurereli. I ri ni i vhe afho vhunga iyo paka ya sigarete matakani. I ri ni i sine nahone i tshinyale. Ndi—ndi sefo i si yone. Huno dzhiani Ipfi, line la vha Kristo, line la ñea, huno la swikelela, nahone la vhulunga muthetshelo wa Vhutshilo Vhu Sa Pheli, kha muñwe na muñwe a no do Vhu dzhia, Vhutshilo Vhu Sa Pheli.

¹⁸¹ Ipfi, arali no tiwa, ni a Li vhaba. A hu na ndila ya u ni dzumbela Lone. Inwi ni a sedza heneffo huno na ri, "Mulandu, Li tou vha khagala nga maanda phanda ha tshifhañuwo tshanga! Ndi do Li sedza; Ngelo. Nne ndi khou sedza heneffo Khalo. Ndi a Li vhaba. Ngeli, Ipfi; Ipfi liñwe na liñwe, Ipfi nga Ipfi fhedzi, li tshilaho." Zwenezwo hu na muthetshelo wa Vhutshilo Vhu Sa Pheli une na u ñoda.

Huno musi ni tshi fema nga kha Heyo, ndi mini tshine tshi nga ña nga kha Heyo, Sefo ya Mudzimu? A hu na nga nnnda ha Muya; a hu na shango, na luthihi; a hu na u sa tenda, na luthihi. Ndi Sefo ya Mudzimu. Huno msi ni tshi fema nga kha Heyo, a hu na tshithu tshine tshi nga dzhena nga kha Heyo nga nnnda ha Muya Mukhethwa.

¹⁸² Zwino inwi ni na vhuñanzi ha Muya Mukhethwa, ni a vhaba, muthetshelo wa munna mukhethwa kana wa musadzi. Vha ñoda u tshila. Vha na Vhutshilo Vhu Sa Pheli. Huno ngauri ili Ipfi li a hanyisa khavho, vha a tshila; Sefo ya munna a elekanyaho, na muthetshelo wa munna mukhethwa.

¹⁸³ Ni songo dzhia shango, vhunga idzo khamphani dza sigarete, fhasi ha vhufhura, fhedzi dzhiani Sefo ya munna a elekanyaho vhukuma. Sefani mufemo une na u fema, zwiliwa zwine na la, tshiriñwe na tshiriñwe tshine na vha tshone; tshi femeni nga kha Ipfi la Mudzimu, huno ni do vha na muthetshelo wa munna mukhethwa. Ngauri, Li do bveledza hezwo, ngauri Ha shanduki mulovha, ñamusi, na lini na lini.

¹⁸⁴ Huno ndi a divha, uri kana ri ralo kana uri a ri ralo... Ndi a tenda uri ri ralo. Fhedzi, arali ri sa khou ralo, hu na muthu shangoni ñamusi ane a vha tshipida tsha Muvhili wa Kristo; huno U do tshila fhedzi nga Ipfi la Mudzimu, Ipfi liñwe na liñwe li bvaho mulomoni wa Mudzimu la tshino tshikhathi tshine ra khou tshila khatsho zwino.

¹⁸⁵ Huno a thi koni u vhaba hune dinomineisheni... Ayo Maipfi a khagala nga maanda Bivhilini, a ri zwi do bvelela, na zwithu zwi no do vha hone, huno hafha ri khou tshila heneffo khazwo zwino. A thi koni u vhaba hune tshi nga vha tshiriñwe tshithu-vho nga nnnda ha hetshi.

¹⁸⁶ Tshivhidzo, ndi a limuha uri ndi tea u ima na vhoinwi Khaṭhuloni liṅwe ḏuvha. Kha zwi vhe kule na nne u vhuya nda ni vhudza tshiṅwe tshithu tsho khakheaho, u itela u takalelwa. A thi zwi todi hezwo. Arali ndo vha ndi na lutamo lwanga, ndo vha, lutamo lwanga lwa vhumuthu fhedzi, ndo vha ndi tshi do dzhia tshigidi tshanga huno nda ya maṭakanī huno nda difhatela zhazha, na tshikwekwe, vhutshilo hanga hothe. Nne ndi khou kalaha, u neta, u fhela nungo, na u kwashekana, fhedzi ndi nga si kone u litsha. Hu na tshiṅwe tshithu ngomu hanga, tshi no khou kuya. Khombo kha nne arali ndi sa ambi Ngoho nahone Ngoho yothe. Khombo kha nne arali ndi sa imi hafha u swika mufemo wa u fhedza wa muvhili wo no ntutshela. Ndi fanela u ima, hu sa londwi uri muñwe-vho u ri mini. Ndi na vhudifhinduleli phanda ha Mudzimu.

¹⁸⁷ Huno nga ngoho nne ndi a tenda zwauri zwithu zwine ra khou rera ndi Ngoho. Hu si ngauri ndi nne a no khou zwi rera. Hai, mukomana wanga. Hai, muñe wanga. Mudzimu u ḏivha mbilu yanga. Nga ndila ine nda do takalela u dzula nn̄da tshivhidzoni huno nda thetshela o doliswaho a tshi rera. Zwi do vha zwi leluwaho zwingafhani kha nne, zwa vhukuma ngauri ndi do vha na Vhutshilo Vhu Sa Fheli u fana na munna a re kha phuluphithi. Nne ndi tshipida Tshaho u fana na ene. Ndi do ya Taqulu hu fanaho, nda vha na pfanelo dzi fanaho. Zwi do leluwa hani kha nne u dzula ngei nn̄da huno nda si dzhie makhrulelo aya othe, na u rwiwa, huno nda bvela phanda. Zwi do leluwa hani, u vha nn̄da vhusiku hothe hu si na u edela, awara na hafu, kana awara mbili; ndi tshi ita tsimbe vhusiku hothe na zwithu zwo bvelelaho. Zwi leluwa hani kha nne u ita hezwo, nda dzhia tshigidi tshanga nga matsheloni a tevhelaho, tshilazwulo tshanga, huno nda ya u rea khovhe kana u zwima! Zwi do leluwa hani! Mukomana, zwo nn̄divhana. Ngavhe Mudzimu a tshi nthusa uri na kathihi ndi songo tinya vhuimo hanga ha mushumo, fhedzi u ima nga u fulufhedzea na nga ngoho, huno nda ni bveledzela Sefo ya munna a elekanyaho ine ya do ni nea muthetshelo wa munna mukhethwa.

¹⁸⁸ Sefo ya munna a elekanyaho ndi madi, ya madi a phandekanyo. Ndi u ḥamba kha tshivhi, hune ha vha Ipfi la Mudzimu. Huno munna a elekanyaho, munna a no zwi ḏivha uri u tea u ima phanda ha Mudzimu, a no zwi ḏivha uri u tea u fhindulela Ipfi liṅwe na liṅwe la Bivhili, Li do fusha uyo muthetshelo u re mbiluni yanu. Ngavhe Mudzimu a tshi ri thusa u Li ḥanganedza, musi ri tshi kotamisa zwifhatuwo zwashu.

¹⁸⁹ Mudzimu a funwaho, iñwe awara kana mbili dzo no fhira. Watshi yo mona hothe zwino. Mulaedza zwino u dzhena kha ḏivhazwakale, huno Wo rekhodiwa kha Bugu. Riñe rothe ri tea u zwi fhindulela izwi zwino, tshiṅwe na tshiṅwe tshe ra ita, ipfi liṅwe na liṅwe le ra amba, muhumbulo muñwe na muñwe

we wa fhira kha thalukanyo dzashu, rekhodo i kha di tamba. Nahone i do bvela phanda na u tamba u swika vhutshilo ho no fhela, huno zwenezwo ri do fhindula nga Duvha ja Khathulo.

¹⁹⁰ Oo Mudzimu, Musiki muhulwane wa matadulu na lifhasi, Ane ra mu tenda, ndi rabelela vhathu avha vha lino duvha. Ndi rabelela nne muje navho, uri Murena Yesu, uru U do fara Sefo Yau. Huno arali ndi tshi khou amba tshiñwe tshitihu tshi tambuludzaho, Murena, ndi...mbiluni yanga a thi zwi divhi. Ndi rabela uri arali zwo khakhea nne ndi tshi dzhia Ipfi Lau huno nda shumisa tshitihu tsho ralohô, Iwe nkhangwele zwone.

¹⁹¹ Fhedzi, Murena, ndo elekanya uri musi Wo amba na nne ngei matakanî, U divha tshifhinga nga matsheloni, hu tou vha uri ndo kundelwa u zwi bvisa thalukanyoni yanga. Ndo zwi tanganedza sa zwi bvaho kha Iwe. Ngauralo, Khotsi Mudzimu, ndo no di zwi amba. Huno ndi a rabela, Mudzimu, uri Iwe u do zwi tendela u vha nga ndila ye nda elekanya uri zwi vhe ngayo, uri munna a elekanyaho, munna arali e na kuelekanyelete-vho, u do zwi divha uri u tea u ima Vhuhoneni ha Mudzimu, huno a nga si dzenise ngomu mbiluni yawe tshiñwe tshitihu tshi no tshikafhadza kana tsho fhambanaho na Ipfi ja Mudzimu.

¹⁹² Huno, Khotsi, ri a limuha uri, vhunga ndo zwi vhandedza na aya madzangano a namusi; hu si u vha o fhambanaho, Murena. U do nkhatula, linwe duvha, zwi tshi bva mbilumi yanga. Huno ndi a rabela, Mudzimu, uri U do vhona uri ho vha hu si u vha o fhambanaho, fhedzi ho vha hu u vha a fhulufhedzeaho, u lingeda u vha a fulufhedzeaho, ndi tshi limuha uri ndo fara zwirengwa zwa Malofha Au, u bva kha khunzikhunzi u ya kha khunzikhunzi, zwa zwino, tshandani tshanga. Huno vhunzhi havho who tenda Muvhigo.

¹⁹³ Huno, Mudzimu wa Tađulu, ngavhe hu sa vhi na muñwe wavho a no xela. Ndi a vha vhila, vhothe, huno ndo fara Sefo ya u bva tshivhini phanda havho, Mađi a phandekanyo, Malofha a Yesu Kristo, Ipfi lo itwaho ñama. Zwi tendele, Murena. Huno ngavhe Muya Mukhethwa u tshi shulula nga kha pfulufhedziso inwe na inwe, ngomu mimuyani yashu. Huno ngavhe ri tshi vha vhaimeli vha tshilaho vha Muselwa wa Yesu Kristo, tshifhingani tsha mađo, tsha u vhona ngomu ha Tshedza tsha nga madekwana, ngauri ri zwi nekedza kha Iwe Dzinani ja Yesu Kristo. Amene.

¹⁹⁴ Ni a Mu funa? [Tshivhidzo tshi ri, "Amene."—Mudz.] Ni a Li tenda? ["Amene."] Nne, arali nne ndo amba tshiñwe tshitihu tsho khakheaho, nga u ri, "sefo ya munna a elekanyaho," ndi nga si tsha amba zwiñwe. A thi na pfunzo. Ndi tea u amba zwine zwa da kha nne. Huno musi ndo vhona izwo zwi afho, ndo elekanya, "Ndi laini-de ya u hoyo nandi!"

Huno Tshiñwe tsha ri, "U tou fana na tshivhidzo."

¹⁹⁵ Sefo ya munna a elekanyaho! Yawee, nn̄en̄ne! Hu na two engedzeaho u fhira hezwo khazwo. Munna a elekanyaho a nga si zwi shumise na luthihi. Ni a vhona? Zwa vhukuma hai. Huno zwi tama muthetshelo wa munna a dahaho, izwo ndi zwone, ngauri u tea u vha nawo u fusha muthetshelo wawe. Fhedzi munna wa vhukuma, a elekanyaho a no zwi divha uri mbilu yawe i khou ya Khathuloni, u do sefa muthetshelo wawe nga kha Ipfi ja Mudzimu. “Ngauri vhothe vhe Khotsi a Nnea vha do da kha N̄ne.” Huno u do tshila nga Ipfi linwe na linwe li bvaho mulomoni wa Mudzimu, line la vha Mađi a phandekanyo a no ri fhandekanya na tshivhi. Ngauri, musi zwi tshi da nga kha Ipfi, ri a zwi vhona uri ndi tshivhi u sa Li tenda, ngauralo ri tou Li tenda huno ra bvela phanda. Ndi phandekanyo kha tshivhi. Ni a Mu funa? [Tshivhidzo tshi ri, “Amene.”—Mudz.]

Ndi a Mu funa, ndi funa...

Kha ri tou imisela zwanđa zwashu zwino Khae.

Ngauri O funa n̄ne u thoma
Huno o renga tshidzo yanga
Murini wa Khaļivari.

¹⁹⁶ Naa O ri mini? “Izwi vhatu vhothe vha do divha uri ni vhafunziwa Vhang, musi ni tshi funa, ni tshi funana.” Zwino kha ri khadane na muňwe musi ri tshi lu imba hafhu, huno ra ri, “Ndi a ni funa, na inwi-vho, mukomana.”

Ndi a Mu funa, ndi...(Izwi ndi zwa u ni
divhadza zwauri...)
...O funa n̄ne u thoma
Huno o renga tshidzo yanga
Murini wa Khaļivari.

¹⁹⁷ Zwino, ni a takalela Sefo ya munna a elekanyaho? [Tshivhidzo tshi ri, “Amene.”—Mudz.] Musi ni tshi ya tshiṭaratani u konana na shango matshelo, mukomana, khaladzi, naa ni na Sefo ya munna a elekanyaho? Musi uyo munna a tshi ni vhidza muvhumbuluwi-mukhethwa, naa ni shumisa Sefo ya munna a elekanyaho? Musi uyo muňwe muthu a tshi amba tshiňwe tshithu tshivhi nga ha inwi, naa ni na Sefo ya munna a elekanyaho? Ni a vhona, itelani vhuvhi zwivhuya. Rabelelani avho vha ni semaho, na avho vha ni tovholaho, zwenezwo ni khou fema nga kha Sefo ya munna a elekanyaho.

¹⁹⁸ Ngauri arali ni tshi funa avho fhedzi vha no ni funa, vhunga ro khadana, vhunga vhafunwa Murenani, izwo ndi zwavhudi, fhedži ni nga kona u funa na vha sa funeiho? Iyo ndi Sefo ya munna a elekanyaho. Uyo ndi Muya wa Kristo kha inwi, ni tshi funa avho vhane vha sa ni fune, zwenezwo ni na malamba a Mudzimu. Fhedzi, zwino, arali ni tshi zwi ita sa mushumo, ni kha di vha ni si na munna a

elekanyaho... Ni kha muthevheṭhandu wa vhuvhili fhedzi. Fhedzi zwi tshi bva mbiluni yanu uri inwi zwa vhukuma ni a mu funa, zwenezwo ni khou fema nga kha Sefo ya munna a elekanyaho. Huno I fusha muthetshelo wa munna mukhethwa, uri ni a zwi ḋivha, zwi tshi bva mbiluni yanu uri ni hangwela muṇwe na muṇwe, tshiṇwe na tshiṇwe, hu sa londwi two iteaho. Naa Ha mangadzi?

. . . funa nne u thoma
Huno o renga tshidzo yanga
Murini wa Khaṭivari.

Ri do tshimbila Tshedzani, Ndi Tshedza tsho nakaho,
Tshi da hune marotha a ḋiwando a khathutshelo a penya;
Penya u mona na riṇe hoṭhe masiari na vhusiku,
Yesu, Tshedza tsha shango.

Ri do tshimbila Tshedzani itshi, Ndi Tshedza tsho nakaho nga maanda;
Huno Tshi da hune marotha o sefiwaho a khathutshelo a penya;
Oo, penya u mona na riṇe hoṭhe masiari na vhusiku,
Yesu, Tshedza tsha shango.

Iḍani, vhoiṇwi vhakhethwa vha Tshedza,
divhadzani,
Yesu, Tshedza tsha shango;
Zwenezwo tsimbi dza Taqulu dici do lila,
Yesu, Tshedza tsha shango.

Oo, ri do tshimbila Tshedzani, Ndi Tshedza tsho nakaho nga maanda;
Tshi da hune marotha a ḋiwando a khathutshelo a penya;
Oo, penya u mona na riṇe hoṭhe masiari na vhusiku,
Yesu, Tshedza tsha shango.

Ni a zwi funa izwo? [Tshivhidzo tshi ri, “Amene.”—Mudz.]

Oo, ri do tshimbila Tshedzani itshi, Ndi Tshedza tsho nakaho nga maanda;
Huno Tshi da hune mashotha a ḋiwando a khathutshelo a penya;
Penya u mona na riṇe hoṭhe masiari na vhusiku,
Ndi Yesu, Tshedza tsha shango.

Ndi tou zwi funa hezwo!

Lutendo lwanga lu sedza kha Iwe,
 Iwe Ngwana ya Khalivari,
 Oo Mutshidzi Mukhethwa;
 Zwino mpfe musi ndi tshi rabela,
 Dzhia tshivhi tshanga tshothe... (Ntsefe,
 Murena, nga kha Ipfi.)
 Oo ntendele u bva kha lino ḫuvha
 U vha Wau tshothe!

Itonu zwi elekanya, ndo sefiwa nga kha Ipfi, "Wau tshothe."

Musi ndi tshi kanda kha ndila ya swiswi ya vhutshilo,
 Huno vhuṭungu vhu tshi phaḍalala u mona na nne,
 Ivha Muendedzi wanga;
 I ri swiswi li vhe masiari,
 Phumula nyofho dza vhuṭungu,
 Kana wa ntendela u pambutshela
 Kule Hau.

[Mukomana Branham u thoma u nūnuna *Lutendo Lwanga Lu Sedza Kha Iwe*—Mudz.]

...kha mbilu yanga i ḫokaho,
 Tuṭuwedza u swela hanga;
 Oo i ri swiswi li vhe masiari,
 Huno u phumule miṭodzi ya vhuṭungu,
 Oo ntendele u bva kha lino ḫuvha
 U vha Wau tshothe!

¹⁹⁹ Mudzimu a Funwaho, ri funa u imbelu Iwe, ngauri ndi heneffo hune ra bvisela khagala vhudipfi hashu, munyanyuwo washu, tshivhidzo tshothe, musi U tshi ri femela Ipfi la Vhutshilo. Ri vha livhuwaho, Murena. Huno ulwo luimbo, ri ṭanganedze, U do ralo, Murena? Ulwo ndi lutamo lwashu, ndi u sefiwa nga kha Ipfi la Mudzimu, ra tshimbila ḫuvha liñwe na liñwe Tshedzani, Tshedza tsha Mafhungo-madifha.

Huno ḫadza ndila yashu ḫuvha liñwe na liñwe
 nga lufuno,
 Musi ri tshi tshimbila na Liivha la Tađulu;
 Kha ri ye ndila yothe, ri na luimbo na u
 n̄wethuwa,
 Dadza ndila yashu ḫuvha liñwe na liñwe nga
 lufuno.

²⁰⁰ Zwi tendele, Murena. Ri fhaṭutshedze rothe zwino. I ri tshilidzi Tshau na khathutshelo zwi vhe na riñe. Fhodza vhalwadze na vha ḫupheaho kha shango lothe.

²⁰¹ Ri a U livhuwa nga nthani ha Mukomana Coggins madekwana a ḫamusi, uri Wo mu tendela u ḫuwa sibadela, u ya

hayani e na mutakalo. Ri a U livhuwa kha zwithu zwe the zwothe zwothe
Wa ita, na kha nungo dza riñe vhañe lune ra pfa ro takulelwa
nñha zwino.

²⁰² Ri a U livhuwa kha Mulaedza muñuku wo tumulwaho
madekwana a ñamusi, Murena. A—a tho ngo zwi ita zwone,
fhedzi ndi a rabela, Murena, uri U do zwi lugisa mañoni a
vhathu, uri vha kone u vhona na u ñivha zwothe zwothe
zwone. Wana vhugala ngawo, Murena, huno ngavhe ri tshi vha
na iyi pfeseso, arali hu si na tshinwe tshithu-vho, uri ri tea
u tshila nga Tshinnkwa tsha Ipfi la Mudzimu, tsho sefiwaho
tshi tshi bva ha Mudzimu u itela vhana Vhawe fhedzi. Ndi
tshivhidzo tsho fhandekanaho. A si tsha muñwe muthu-vho.
Ndi tsha avho fhedzi, vho khethwaho Vhau, sa zwo madi a
phandekanyo a ñolana tswuku a vha e zwone kha tshivhidzo
tsha Israele fhedzi. Ngauralo, Khotsi, ri a zwi ñivha uri
Tshinnkwa ndi tsha Nngu fhedzi.

“A zwo ngo tea Ndi tshi dzhia tshinnkwa tsha vhana huno
nda tshi posela kha dzimmbwa,” o amba Yesu.

Huno musadzi, a tshi fhindula, a ri, “Ee, Murena, izwo ndi
ngoho, fhedzi nñe ndi a funa u dzhia matshakatshaka.”

Huno ri pfa nga iyo ndila madekwana a ñamusi, Murena.
Ri ñoda zwe the zwothe zwothe zwone U nga kona u ri nea zwone, Khotsi,
ngauri ri na ndala na u farwa nga ñora la zwe engedzeaho
Zbau.

²⁰³ Tendela uri ndala dzashu dzi khunyeledzwe huno lutamo
lwashu lu ñivhadziwe, ngauri, Khotsi, ri ñodou vha na lutamo
lwa munna o lugaho. Huno Munna o lugaho o vha e Yesu
Kristo, huno lutamo Lwawé lwo vha lu lwa u ita lufuno lwa
Khotsi, we a vha e Ipfi. Zwi tendele kha riñe, Khotsi. Ri a zwi
humbela nga Dzina Lawe. Amene.

Kha ri ime zwino musi ri tshi imba luimbo lwashu lwa u
balangana, lwa, *Dzhiani Dzina La Yesu Na Inwi*.

²⁰⁴ Ndala u buðekanya mafhethu zwino, ngomu he Mulaedza
wa ya hone madekwana a ñamusi, ngavhe Mudzimu a tshi
vha na vhoinwi zwino musi ri tshi balangana nga thabelo.
Ngavhe muñwe na muñwe wa vhoinwi, ngeyo nnđa, ndi a
fhulufhela uri no diphina nga u thetshelesa zwinzhisa sa zwo
nda ita ndi tshi Li ñisa kha vhoinwi. Huno ndi a fulufhela
uri Mudzimu u do Li vhea mbiluni dzanu huno a ni nea
thalutshedzo i re yone yazwo.

²⁰⁵ Huno vhoinwi vhathu hafha kha vhathetselesi vhane na
vha na idzi sagaduku dzi re hafha, ndo vhea zwanda khadzo. Ndi
rabela uri Mudzimu u do fhodza muñwe na muñwe wa vhoinwi,
a hu nga vhi na vhañwe vhathu vha lwalaho-vho vhukati hashu,
ni a vhona ndila ine Mudzimu washu a fhindula thabelo.

²⁰⁶ Musi ri tshi kuvhangana fhethu huthihi, “Vhathu vhane vha vhidzwa nga Dzina Langa vha do kuvhangana fhethu huthihi huno vha rabela, zwenezwo Ndi do pfa ndi Tađulu.” O fulufhedzisa u zwi ita.

²⁰⁷ Ngauralo, a ro ngo khethekanywa. Ri tou vha Muthu muthihi; rothe ri muthihi, kha Kristo Yesu. Huno muñwe na muñwe a tshi khou rabelela muñwe na muñwe; inwi ni nthabelele vhunga ndi tshi ni rabelela. Huno Mudzimu a ni fhaṭutshedze u swika ri tshi ni vhona hafhu.

²⁰⁸ Huno ndi a fulufhela uri ni do dzulela... inwi a no dzula fhano tsini, ni do da thaberenakeļeni huno na dala fhano na mufunzi washu wavhudī, Murathu Neville. U do ni fara zwavhudī, Mukomana Mann na vhathu vhavhudī vhā re navho thaberenakeļeni.

²⁰⁹ Arali ni tsini na Mukomana Junior Jackson kana vhaiwe vhavho vhoṭhe kha shango loṭhe, New York na mafhethu o fhambanaho hune vha vha na miṭangano yavho, u mona na Arizona na California, dalelani izwo zwivhidzo arali ni nnđa ngomu henefho. Ri rabela zwauri ni do vhuya hafhu huno na tendela mufunzi a tshi ni thusa u ḋivha two engedzeaho nga ha Murena Yesu.

²¹⁰ Mudzimu a ni fhaṭutshedze zwino musi ri tshi imba *Dzhiani Dzina La Yesu Na Inwi*.

...Dzina la Yesu na inwi,
Nwana wa matungu na khombo;
Zwi do ni ḥea dakalo na khuthadzo,

[Mukomana Branham u amba na muñwe kha pulatifomo—Mudz.]

...na ya.

Dzina lavhudī (Dzina lavhudī), Oo li ḋifha
hani! (Oo li ḋifha hani!)
Fulufhelo la liphasi na dakalo la Tađulu;
Dzina lavhudī, Oo li ḋifha hani!
Fulufhelo la liphasi na dakalo la Tađulu.

²¹¹ Ndi tshi sedza kha tshivhidzo madekwana a namusi, ndi tshi vhona Mukomana Estle Beeler ngei murahu, Mukomana Palmer, na vhanzhi, Mukomana J. T., na vhunzhi nga maandā ha vhashumeli vho imaho u mona hafha, ndi nga si kone u vhidza madzina avho oṭhe. Ndi tama ndo vha ndi tshi nga vha na vhoinwi, noṭhe, ngeno nṭha, huno vhoinwi noṭhe na balanganya tshivhidzo kana na ita tshinwe tshithu. Inwi ni a pfesesa, a ni ralo? Ndi a zwi ḋivha uri ni na mbilu ya Tshikriste huno ni a zwi ḋivha uri ri tea u... ndila ine ra—ndila ine ra vha ngayo; riṇe tshoṭhe ri Muthu muthihi, kha Kristo Yesu.

²¹² Zwino kha ri elelwé iyi ndimana i tevhelaho musi ri tshi i imba, musi Mukomana Martin washu fhano a tshi do ri balanganya nga thabelo. Huno ndi ḥoda u... Uyu

ndi Mukomana Earl Martin a bvaho, ndi a tenda, a bvaho Arkansas kana—kana Missouri. [Mukomana Earl Martin u ri, “Missouri.”—Mudz.] Missouri, henengei kha Arkansas, l̄aini ya Missouri henengei. Vha na tshivhidzo henengei fhasi.

²¹³ Huno ndo dzhiela nzhele uyu muñwe mukomana a bvaho henengei fhasi, a thi humbuli dzina lawe, Brewer. O vha e fhano matsheloni a qamusi. Ndi a humbulela uri u tshee fhano madekwana a qamusi. Iina, ndi mu vhona o ima hangeno, Mukomana Brewer. Ndo fulufhedzisa u ḫa huno nda kumedza zwivhidzo zwawe, zwifhinga zwinzhi nga maanda. Ndi ḫo swika henengei liñwe ḫuvha, nga thuso ya Murena, u ya nga hune nda kona.

Zwino, musi ri tshi imba iyi ndimana i tevhelaho zwino.

Kha Dzina la Yesu ro kotama,
Ri tshi gwadama milenzheni Yawe,
Khosi ya dzikhosi Tađulu ri ḫo I ambadza
khare,
Musi lwendo lwashu lwo swika magumoni.

Kha ri lu imbe zwino.

Kha Dzina la Yesu ro kotama,
Ri tshi gwadama milenzheni Yawe,
Khosi ya dzikhosi Tađulu ri ḫo I ambadza
khare,
Musi lwendo lwashu lwo swika magumoni.

Dzina lavhudī (Dzina lavhudī), Oo li ḫifha hani! (Oo li ḫifha hani!)

Fulufhelo la lifhasi na dakalo la Tađulu;

Dzina lavhudī, Oo li ḫifha hani!

Fulufhelo la lifhasi na dakalo la Tađulu.

Oo, dzhiani Dzina la Yesu na inwi,

Sa tshiñangu kha tshikwekwe tshiñwe na
tshiñwe; (thetshelesani zwino)

Oo, musi milingo i tshi ni kuvhanganelā, (naa
ni fanela u itani?)

Itonu fema iļo Dzina likhethwa nga thabelo.

Dzina lavhudī, Oo li ḫifha hani!

Fulufhelo la lifhasi na dakalo la Tađulu;

Dzina lavhudī, Oo li ḫifha hani!

Fulufhelo la lifhasi na dakalo la Tađulu.

Kha ri kotamise zwifhañuwo zwashu.

Oo Dzina lavhudī, Oo li ḫifha hani!

Fulufhelo la lifhasi na dakalo la Tađulu;

Dzina lavhudī (no lovhedzwa Ngalo; rabelani
Ngalo), Oo li ḫifha hani!

Fulufhelo la lifhasi na dakalo la Tađulu.

Mukomana Martin. [Mukomana Martin u a rabela—Mudz.] 

SEFO YA MUNNA A ELEKANYAHO TSV65-0822E
(A Thinking Man's Filter)

Hoyu Mulaedza nga Mukomana William Marrion Branham, u rangani wo ɻewa nga Tshisimane nga madekwana a Swondaha, Thangule 22, 1965, Thaberenekeleñi ya Branham ngei Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshisimane. Heyi ɻhalutshedzo ya Tshivenða yo gandiswa huno ya phaðaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org